

外科證治全生

序

明劉誠意伯言藥不對證枉死者多余曾祖若谷公秘集云癰疽無一死證而諸書所載患生何處病屬何經故治乳品而用羚羊犀角治橫痃而用生地防己治瘰癧惡核而用夏枯連翹藥不論陰虛陽實唯憑經施治以致乳品橫痃成功不救瘰癧惡核潰久成怯全不悔憑經之誤夫紅癰乃陽實之證氣血熱而毒滯白疽乃陰虛之證氣血寒而毒凝二者以開膜裏爲要膜裏一開紅癰毒平痛止白疽寒化血行彼憑經而失證治者初以爲藥之對經而實背證也世之患陰疽而斃命者豈乏人乎如以陰虛陽實分別治之癰疽斷無死證矣余曾祖留心此道以臨危救活之方太患初起立消之藥一一筆之於書爲傳家珍寶余幼讀之與世諸書治法迥別歷證四十餘年百治百

靈從無一失因思癰疽惡經施治久編天下分別陰陽兩  
治唯余一家特以祖遺之秘自己臨證並藥到病瘳之方  
精製藥石之法和盤托出盡釋是集並序而梓之以質諸  
世之留心救人者依方修合依法泡製依證用藥庶免枉  
死使天下後世知癰疽果無死證云爾乾隆五年歲在庚  
申仲春朔日林屋王維德洪緒氏書

凡例

一瘰癧與疽之治截然兩途世人以癰疽連呼竝治夫癰疽二字之連呼卽夫妻二字之連呼也若以癰藥治疽猶以安胎之藥服其夫矣是集以癰疽分別兩治皆對證施方之治法如照法炮製照證用藥救人之功余不敢分害人之罪余當獨認情願薄劫披毛甘受屠家誅戮

一輯是集專論陰虛陽實認定初起紅白兩色是癰是疽治卽全瘰所載諸方皆藥到病瘳切勿增減逐證治法開卷了然不必授師人人可精此道

一諸書惟馮氏錦囊內附陰疽論與余家遺秘相符獨無消疽之方惟以溫補兼托爲法且疽初起如卽平塌安可用托托則成功余家之治以消爲貴以托爲畏卽流注癰惡核倘有潰者仍不敢托托則潰者雖斂增出者又如

外科聖治全書 九例  
何耶故以消爲貴

一醫可寄生死閻坊刻外科妄稱正宗載云證現七惡卽死又載以桐油燒紅衣針針入痰塊半寸用降藥爲條插入針孔七日塊自開裂再以條插七日其核自落又稱毒在皮裏肉內刀割深要寸許方能洩毒殊不知毒在皮裏膜外或應開刀尚忌深過三分恐傷內膜若深入寸許傷透內腑病人何能堪此極刑七惡之現頃刻世之宗其法者盡屬創徒此集唯疔用刺此外槩不輕用刀針竝禁用升降二丹令人痛爛

一是書無論背項腰腹色白者言疽以疽藥瘡之紅腫者言癰以癰藥瘡之坊刻書稱以某藥與服不應再易某藥豈非以人試藥乎倘患生要緊穴道安可遭醫幾試望高明詳之

一世無爛久之癰唯疽初起失消或遭降灸剗割以致年久不斂治之之方詳載集中

一外科藥證外另有雜證五十方俱一服卽效者附梓集中並無以人試藥之設望有力者照方合就遇病施送如鈔方傳人註明製法

一此集所到之處見信者自然藥至病除更願處處翻刻速徧海內使瘡毒無枉死之人余願始遂余年七十有二矣治病歷四十餘年川藥從無一誤或疑藥味香散猛烈畏而不服則是養癰貽患非余之咎也

外科證治全生日錄

論證

癰疽總論

陰疽論名

部位論名

治法

爛潰不斂治法

患孔毒根治法

翻花起肛治法

毒氣攻心治法

癰瘡治法

陰疽治法

石疽治法

惡核治法

流注治法

疔毒治法

紅絲疔治法

刀鏹疔治法

走黃治法

諸瘡治法

瘡鼓治法

楊梅結毒治法

痘毒治法

赤遊治法

漆瘡治法

火珠治法

湯火治法

凍瘡治法

禁用干槌膏鯽魚膏

上部治法

癰疽頭及髮疽治法

蛙髮癰治法

蠟梨瘡治法

頭面肥瘡治法

咽喉治法

喉痺治法

喉閉治法

乳蛾治法

喉癰治法

喉珠治法

鎖喉治法

纏喉風治法

牙癰辨治

骨槽風治法

癰癰治法

遮顙發頤治法

耳後銳毒治法

走馬牙疳治法

鵝掌風治法

鵝爪風治法

天蛇頭治法

甲疽治法

脫骨疽治法

中部治法

井泉疽治法

肺疽治法

發背治法

乳岩治法

乳癰治法

乳癰治法

下部治法

橫痃治法

小腸疽治法

懸癰治法

子癰治法

囊脫治法

痔漏治法

鶴膝風治法

貼膏疽治法

魚肚癰治法

膝瘡治法

鹽眼治法

牛程蹇治法

流火治法

醫方

陽和湯

陽和丸

醒消丸

犀黃丸

小金丹

子龍丸

觀音救苦丹

洞天救苦丹

大棗丸

回疔散

拔疔散

奪命湯

聖靈丹

三黃丸

五通丸

蟾酥丸

梅花點舌丹

紫金錠

勝金散

五音錠

一筆消

咬頭膏

代刀散

紫藥

山蓮散

象皮散

六和散

推車散

五寶散

拔毒散

合掌散

二美散

五美散

金銀散

神仙棗

紅棗丸

金霜散

平安餅

枯痔藥

退管方

消管丸

陽和解凝膏

洞天鮮草膏

白玉夾紙膏

化核膏

白花膏

紫微膏

扇蘇膏

聾耳散

消管方

癰酒方

鮮角膏

喉證方

壁錢散

眞珠散

赤霜散

又方

南星散

骨鯁散

刻歡丸又名過街笑

固齒散

取齒丹

舌上出血或鼻衄方

小兒口疳方

口舌藥方

楊梅瘡敷藥

千金內托散

二陳湯

四物保元湯

又保元湯

加味四物湯

十全大補湯

六味地黃湯

龍膽瀉肝湯

敗毒湯

雜證

調經種子方

求嗣得嗣法

黎洞丸

祛風逐溼散

化痞膏

三日大瘡方

瘡瘡棗

黃疸立效方

紅白痢及瘰癧方

癰癩證方

吐血立瘵方

痰中有血方

溺血頭痛如裂方

偏身癱瘓方

手足骨節癱瘓方

箭風痛方

雷頭風方

偏正頭風方

疳膨食積方

又方

閃頸促腰方

赤眼淹纏方

胃脘痛方

又方

夢遺方

白濁方

欬嗽神效方

天絲入目方

塵屑入目方

跌打骨斷方

冷哮方

腸紅方

胃寒嘔吐黃水方

翻胃初起方

烏痧瘰癧方

水瀉立瘥方

大麻風方

狗咬方

小兒冷疳方

小兒蟲證方

夜啼兒方

砂雪丸

啞驚丹方

小兒目疾方

又方

小便閉方

老年便燥方

小兒浮腫方

製藥

銅青

鉛粉

黃丹

密陀僧

鐵鏽

丹砂

水銀

輕粉

銀硃

雄黃

滑石

礞石

元精石

寒水石

礪砂

硫黃

白礬

綠礬

伏龍肝

甘草

黃芪

人蔘

沙蔘

桔梗

知母

白朮

蒼朮

元蔘

地榆

丹蔘

白芨

三七

黃連

黃芩

秦艽

天麻

柴胡

前胡

防風

獨活羌活

升麻

苦蔘

延胡索

紅花

水紅花子

貝母

茅根

龍膽草

細辛

當歸

芎藭

白芷

白芍

赤芍

丹皮

木香

高良薑

縮砂仁

香附

藿香

澤蘭

荊芥

薄荷

紫蘇

白甘藷

陳艾

茵陳

青蒿

夏枯草

牛蒡子

續斷

蒼耳子

益母草

麻黃

燈芯

地黃

牛膝

麥蘖蒸

淡竹葉

藟葵

車前子

馬鞭草

連翹

紫花地丁

大黃

蒟蒻

大戟

甘遂

蒺藜子

常山

川附子

川烏

草烏

半夏

蚤休

五味子

黑白牽牛仁

番木鱉

天花粉

天蘼芩

土茯苓

白斂

木通

防己

金銀花

藤黃

澤瀉

海藻昆布

仙人對坐草

穀芽

浮麥

麥芽

大麻仁

薏苡仁

小黑豆

白豆豉

神麴

紅麴

白芥子

生薑

蒲公英

紅棗

杏仁

松子仁

烏梅

楊梅

橙子

陳皮

青皮

山櫨

橄欖

檳榔

吳茱萸

甘蔗

蓮鬚

芡實

山藥

柏子仁

松香

肉桂

官桂

沉香

丁香

樟腦

白膠香

冰片

乳香

沒藥

血竭

阿魏

厚樸

金鈴子

杜仲

楝樹根

皂角刺

巴豆

桑白皮

柘樹

枳實枳殼

枸橘

山梔炭

萸肉

白茯苓

赤茯苓

茯神

琥珀

天竹黃

蜂房

土蜂窠

五桶子

殭蠶

蜘蛛

蟬蛻

蠍子

推車蟲

癩團

即癩蟻墓

蜈蚣

蚯蚓

蚯蚓糞

龍骨

穿山甲

蛇蛻

白花蛇

石首魚

朱鼈

牡蠣

眞珠

田贏

雞裏金

白丁香

五靈脂

山羊血

山羊矢

線膠

皮脂卽烟膠

象皮

麝香

貓矢

鼠矢

頭髮

指甲

人中黃

人中白

醫案

喉證醫案

髮疽醫案

瘰癧醫案

痰核醫案

無核醫案

乳出醫案

發背醫案

腰疽醫案

流注醫案

橫痃及楊梅瘡醫案

起肛醫案

痘毒醫案

囊脫醫案

陰腫醫案

湯傷醫案

外科證治全生

林屋王維德

論證

癰疽總論

癰疽二毒由於心生心主血而行氣氣血凝滯而發毒患盤踞徑寸者紅腫稱癰癰發六腑若其形止數分乃言小癰按之陷而不即高頂雖溫而不甚熱者膿尚未成按之隨指而起頂已軟而熱甚者膿已滿足無膿宜消散有膿當攻托醒消一品立能消腫止癰爲療癰之聖藥白陷稱疽疽發五臟故疽根深而癰毒淺根紅散漫者氣虛不能拘血緊附也紅活光潤者氣血拘毒出外也外紅裏黑者毒滯於內也紫黯不明者氣血不充不能化毒成膿也膿色濃厚者氣血旺也膿色清淡者氣血衰也未出膿前癰有膜裏火毒之滯疽有膜裏寒痰之凝既出膿後癰有熱

毒未盡宜托疽有寒凝未解宜溫既患寒疽酷暑仍宜溫  
暖如生熱毒嚴冬尤喜寒涼然陰虛陽實之治迥別古書  
未詳因立其旨備覽焉諸疽白陷者乃氣血虛寒凝滯所  
致其初起毒陷陰分非陽和通腠何能解其寒凝已潰而  
陰血乾枯非滋陰溫暢何能厚其膿漿蓋氣以成形血以  
華色故諸疽平塌不能化毒者陽和一轉則陰分凝結之  
毒自能化解血虛不能化毒者尤宜溫補排膿故當潰膿  
毒氣未盡之時通其腠裏之藥仍不可緩一容一縱毒卽  
逗遛一解一逐毒卽消散開腠裏而不兼溫補氣血虛寒  
何以成膿猶無米之炊也滋補而不兼開腠僅可補其虛  
弱則寒凝之毒何能覓路行消且毒盛者則反受其助猶  
車粟以助盜糧矣滋補不兼溫暖則血凝氣滯孰作醖膿  
之具猶之造酒不暖何以成釀造飯無火何以得熟世人

但知一槩清火以解毒殊不知毒卽是寒解寒而毒自化清火而毒愈凝然毒之化必由膿膿之來必由氣血氣血之化必由溫也豈可涼乎况清涼之劑僅可施於紅腫癰癤若遇陰寒險穴之疽溫補尙虞不暇安可妄行清解反傷胃氣甚至陽和不振難潰難消毒攻內腑可不畏歟蓋脾胃有關生死故首貴止痛次宜健脾痛止則惡氣自化脾健則肌肉自生陽和轉熾紅潤肌生當投補養氣血之劑若犀角羚羊連翹等性寒之藥咸當禁服

### 陰疽論名

陰毒之證皆皮色不異然有腫與不腫者有痛與不痛者有堅硬難移有柔軟如棉者不可不爲之辨腫而不堅痛而難忍者流注也腫而堅硬微痛者貼骨鶴膝橫痃骨槽等類也不腫而痛骨節麻木手足不仁者風溼也堅硬如

核初起不痛者乳岩癰癤也不痛而堅形大如拳者惡核  
失榮馬刀也不痛不堅硬而漸大者癰癤也不痛而堅堅  
如金石形大如升斗者石疽也此等證候盡屬陰虛無論  
平塌大小毒發五臟皆曰陰疽如其初起癰痛者易消重  
按不痛而堅者毒根深固消之不易治之之法集有一定  
不易之方在焉

### 部位論名

毒生頭頂有髮疽之名頸項有落頭對口腦疽之號鴨卵  
因毒夾於腋中魚肚緣患生於腿肚失榮獨在項間夾疽  
雙發喉側夾根原因腳骨潰有驢眼之稱牛程毒匿腳皮  
正有湧泉爲號腹癰指腹箭袋云偏臭田癰大母指之爛  
名扁擔怪肩穴中之癰毒鬚前疽耳後發腿曰腿癰下稱  
跨馬白謂冬瓜手發背腳叉疽偷糞老鼠又號懸癰漏種

海底指說蛇頭甲謂甲疽膝蓋腫云鶴膝腎子癰云子癰馬刀癰於臉上骨槽風於牙牀并泉疽患登心口貼骨疽毒踞環跳臂尖毒則曰臂疽臂上癰乃云臂毒諸名山部位以推治法務憑紅白初起未潰當觀現在之形已潰潰久須問初起之色初起色紅仍施癰藥初發色白當用疽丹奏效如響凡大癰潰後世人多投炙芪炙草或用半炙半生殊不知托裏散內用人蔞者並非以蔞補虛不過以蔞助芪添其托毒之力卻無補毒之害炙芪止補氣而不能托毒炙草止補中而不能解毒儻毒氣未盡誤投炙芪炙草或用保元十全等湯致毒反得補助毒攻內腑則如何凡遇初潰大癰宜止其痛痛息則毒散其腫亦退色轉紅活體虛年老者投蔞芪草皆炙也如體旺家貧者無蔞亦易收功

治法

爛潰不斂治法

如爛潰不堪之患以洞天救苦丹三服每服三錢陳酒送服醉蓋取汗隔兩日又送一服再隔兩日再送一服所空隔之兩日以醒消丸每日一服服後毒水流盡七日後再服醒消丸兩次接服大棗丸每日早晚各進五錢最危險者可奏奇效

患孔毒根治法

爛孔有惡肉凸起名曰毒根往往有用降藥爛去者此乃殺之欲速也獨不知弱體豈可增痛况爛去仍又長出安可再爛耶唯平安餅專貼毒根外以陽和解凝膏貼掩一日一易輕者二三日重者六七日不癢不癰毒根自落貼餅時日服托毒散俟毒根落後當服保元四物二湯收功

翻花起肛治法

年久不斂定翻花起肛堅硬取老蟾破腹連肚雜以蟾身刺數孔蓋貼患口輕者日易一次重者日易兩次貼蟾之日日服醒消丸止其癰痛三日後毒盡再服醒消丸每服三錢陳酒送服消其翻花梗其硬肛功效不凡也如大患初潰者亦如前法毒從蟾孔而出儻肛口硬患孔深取活牛蒡草根枝葉或取紫花地丁嫩草搗爛塗入肛內皆拔毒平肛牛蒡草卽大力子草俗呼氣殺醫生草

毒氣攻心治法

凡受降藥毒定致神昏嘔吐此係毒氣攻心急用護心散綠豆粉一兩乳香末五錢燈芯炭三錢研和生甘草一兩煎濃汁調末令病者時刻呷嚥嚥至大半自然止嘔神氣清爽然後接服醒消丸以平其勢

## 癰癤治法

凡患色紅腫癰痛根盤寸餘者是癰毒發三四日尚未作膿以嫩膏圍外內以醒消丸熱陳酒送服三錢卽止其痛夜間得睡次日患皮起皺再服全消如過四五日患將作膿亦以醒消丸與服消其四圍腫硬痛息毒散患平此以大變小之法有膿之患頂用咬頭膏貼加以代刀散三錢酒服穿之或以刀點分許穿之以洞天膏貼不幾口收功如患盤數寸者或居背心腦後腰腹肚腋陰囊等處險穴用五通丸醒消丸早晚以敗毒湯輪送一次皮皺痛息再服至瘰癧潰卽用托毒散醒消丸亦早晚輪服如患盤不滿一寸亦紅腫者是癰蟾酥丸梅花點舌丹皆消腫止痛

## 陰疽治法

初起之形濶大平塌根盤散漫不腫不痛色不明亮此疽

中最險之證儻誤服寒涼其色變如隔宿豬肝毒攻內腑神昏即死夫色之不明而散漫者乃氣血兩虛也患之不能而平塌者毒痰凝結也治之之法非麻黃不能開其腠裏非肉桂炮薑不能解其凝結此三味酷暑不可缺一也腠裏一開凝結一解氣血能行行則凝結之毒隨消矣治疽之方悉列於後照方治無不瘳如增減定無功效

### 石疽治法

此疽初起如惡核漸大如拳急以陽和湯犀黃丸每日輪服可消如遲至大如升斗者仍如石硬不痛又日久患現紅筋則不治再久患生斑片自潰在卽之證也潰卽放血三日而斃加現青筋者可治內服陽和湯外以活蔞蔞根搗爛加食鹽少許敷塗數日作癢半月皺皮日敷日轉而有膿袋下以銀鍼穿之當用千金托裏散加熟地生芪各

一兩煎湯煎藥服十劑後以陽和解凝膏貼滿患上空出  
鍼穿之眼使其外皮血活因皮膜中似成膿衝須用布捲  
膏外綁緊使皮膜相連內服大補保元等湯蔓其忌炙服  
至收功如其毒氣未盡忌投補劑

惡核治法

大者名惡核小者名痰核與石疽初起相同然其寒凝甚  
結毒根最深卻不易潰未潰之前忌貼涼膏忌服涼藥內  
服陽和丸犀黃丸可消亦有以大田麻搗爛敷塗消之者  
大忌開刀開則翻花起肛口用大蟾破腹刺數孔連雜蓋  
患處拔毒輕肛內服溫補托毒消痰之劑犀黃丸儘可收  
功丸內有麝香孕婦勿服

流注治法

流注色白腫痛者是也毒發陰分蓋因痰塞清道氣血虛

寒凝結一曰寒痰一曰氣毒其初起皮色不異唯腫唯癰雖身體發熱內未作膿以二陳湯加陽和丸同煎數服全消消後接服小金丹七丸杜其續發如皮色稍變極痛難忍者須服陽和湯以止其痛消其未成膿之毒氣使已成膿者至不痛而潰此乃以大疽變小之法如患頂輦卽爲穿之膿多白色以陽和膏日貼但此證潰後定增毒痰流走患生不一故初潰之後五日內仍服小金丹十九以杜後患接用犀黃丸陽和湯每日早晚輪服使毒痰消盡不補可必收功儻幼孩不能服煎劑者初起以小金丹化服至消乃止但成膿者亦日服以消其餘硬使患不痛自穿俟其毒氣去盡用保元湯甚草宜生忌炙加入肉桂五分日服收功如孕婦患之當問懷胎月數儻未滿六個月犀黃丸有麝香不可服服防墮胎當以陽和湯瘰之瘰後再

服三四劑以代小金丹杜其流走

### 疔毒治法

疔毒其害最速生而目耳鼻之間顯而易見生肩足衣遮之處隱而不知知覺早者晨醫夕瘡遲者枉死甚多故婦女而患暗疔者誤認傷寒致毒攻心走黃不救如頭而唇鼻肩臂手足等處生一胞或紫紅或黃黑者疔也初起刺擠惡血見好血而止取拔疔散插入以膏掩之次日疔毒化膿而瘡

### 紅絲疔治法

手小臂足小腿生如紅線一條者名曰紅絲疔要在紅絲始末兩頭刺破毒隨血出而瘡遲則毒入腸胃不救凡屬疔毒宜服奪命湯

### 刀鐮疔治法

疔形闊如韭菜長有寸餘肉色紫黑者名曰刀鐮疔忌行  
鍼刺以生礬三錢葱白七根共搗爛作七塊葱湯逐塊送  
下蓋汗如無汗再飲葱湯催之汗出爲度取爛雞矢塗患  
立癒遲治毒歸心肺致命

走黃治法

疔毒發腫神昏謂走黃如在將昏之間急取回疔散二錢  
白湯送服少刻大痛痛則許救毒化黃水痛止命活

諸瘡治法

夫瘡疥之生本由於溼故南方卑下之地患者最多諸書  
皆言溼熱所致方中皆用生地涼血未見瘡者或以熏罨  
爲法熏瘡雖瘡致毒歸腹定成瘡鼓凡患諸瘡宜戒沐浴  
浴則溼氣愈重難以速痊瘡後再戒月餘庶免復發忌食  
雞羊鰕蟹一應發毒新鮮等物及房事其名有膿窠癰疥

外科諸治全書  
卷之六  
十六  
綉毬風猴猴疥濕風頑癰蛙髮癰小兒疳肥瘡蠟梨火珠  
凍瘡臙瘡爛腿漆瘡諸證後列之方皆瘡諸證

### 瘡鼓治法

其證當以紅棗丸治之儻遇瘡鼓危甚不及待藥與服當  
覓大蟹四五隻約重斤餘令其白湯煮食飲酒蓋暖睡不  
兩時身上發瘡更甚於前而鼓全消仍以瘡治至瘡夫瘡  
鼓危證也至瘡則易瘡

### 楊梅結毒治法

楊梅瘡又謂棉花廣豆廣瘡因形而名然其感毒無二以  
化毒爲貴熏罨爲忌罨定復發難治初發以三黃丸每日  
五鼓取四錢熱陳酒送服醉蓋取汗或以瀉肝湯每日早  
晚輪服昔書所載升藥爲丸雄黃爲衣粥飲送服或點藥  
條一根口含冷水之法萬不可因此不費藥資害人性命

自召天誅如有因服升藥竝藥條薰耨復發在五日之前  
日服三黃丸再取忍冬藤牛蒡草紫花地丁白甘藷煎湯  
當茶時飲如潰以渣煎湯日洗兩度接服聖靈丹可祛毒  
盡色轉紅活用洞天膏貼收功如下疳蠟燭笑等毒總不  
離此前治諸法儻癰痛難忍以聖靈丹五分數服奏功如  
爛潰俟毒退痛止色轉紅活當以藥撒生肌如陽物硬而  
不痿白精流出此乃妒精用破故紙韭菜子各一兩爲末  
每服六錢水一碗煎半服如見瘡宜以藥剩儻毒重服聖  
靈丹無不全瘡

### 痘毒治法

幼孩出痘多服涼藥血寒氣滯乘流發毒故其色皆白醫  
家每以痘後火毒治致流走患生不一久則生管成漏竝  
內生多骨害人不少應以流注法治以小金丹消之

赤遊風治法

初生幼孩因胎中受毒腿上患色紅腫成片身熱名曰赤遊遊者遊走也遊走徧身而死取哺退雞子內臭水拂上一二次全瘥或有幼孩口內生疳或顙内生一紅塊名曰螳蜋子皆胎毒也用生地五錢大黃一錢陳酒浸取出共搗爛塗兒腳心男左女右用絹縛好乾卽易瘥乃止洞天嫩膏塗亦效

漆瘡治法

取杉木屑煎湯溫洗接以蟹黃滑石二末白蜜調敷

火珠治法

用生蘿蔔搗爛好醋浸敷遲治妨命

湯火治法

地榆磨細香油浸敷破損者乾末撒敷爛潰不斂者取竈

心土炭火燒紅水飛曬乾再加研細人乳調敷今之治坊浸油一缸以備不虞拂上立刻止痛多則二次全瘡乃湯火傷之聖藥也

### 凍瘡治法

以陽和解凝膏貼一夜可瘡潰者貼三張收功

### 禁用干捶膏鯽魚膏

凡患一切大小白色等疽忌用洞天膏貼嫩膏敷敷則寒凝愈結最忌用干捶膏鯽魚膏貼以此二膏內皆有巴豆蒺麻肉貼則提拔成害每見橫痃乳品貼至致命孕婦貼則墮胎凡諸疽潰後宜貼陽和解凝膏

### 上部治法

### 癰貢頭及髮疽治法

孩童頭髮內患白色腫塊初起多有認是跌腫至高大作

療方始延醫醫以頭爲首陽唯用寒涼解毒是以潰者內膿復生增出者不一殊未知此患色白乃陰寒虛弱之證用小金丹初起三服而消潰服七丸而瘡外貼陽和解凝膏大人患之名曰髮疽以陽和湯療之夏秋頭面生紅癰名曰石癰初起取洞天膏貼周時全消潰者貼之亦瘡用連翹花粉赤芍銀花甘草革前滑石澤瀉煎俟溫服卽無熱毒之男婦逢酷暑宜服

蛙髮癰治法

取生木鼈片浸數日入鍋煮透取湯將髮髻去用湯洗洗後預備取活蜈蚣三條浸菜油內三四日以油搽頭至瘡方止或取草烏切片炙脆研粉醋調日塗三次數日瘡

蠟梨瘡治法

取獨核肥皂分開去核以洋糖填實糖內入巴豆仁每斤

兩粒半仍將肥皂合好外用線紮鹽泥包固火煨存性去泥研極細末加入輕粉檳榔末各八分再加力研香油調膩鬚頭後煎滾灰湯溫洗洗後以藥敷敷後不用再洗日以藥敷至瘡乃止

### 頭面肥瘡治法

白明礬研粉取棉紙捲作長條打成結子幾十個入菜油內浸透取鐵篩放油結子用火燒結內油仍滴於所浸梘內燒至枯以諸結研粉加製松香末約一半共調油內日以拂瘡早晚兩度五六日瘡戒食豬肉蝦蟹等發毒之物並煎炒熬油食則延開難瘡

### 咽喉治法

咽喉之地尤爲急證頃刻而痛難忍實係寒生婉轉而痛方騰乃爲熱病譬之雷電之火燄因陰生燎原之火熾由

漸著也內經云驟起非火緩起非寒虛寒實熱識透者獲濟是在明達之士知所區別乃隨所投而無誤耳視證有訣○咽喉證有七形若筋頭蛾無蛾喉欲閉鎖喉證亦異纏喉熱結內麻癢腫繞外日前氣短促厥冷喉閉礙喉痺嘶痰響肺絕須治快喉癰因虛鬱微作癢癰態不腫又不閉淹纏最作怪喉懸一粒珠刀點命頃害藥從鼻裏吹珠破病卽退

### 喉痺治法

痺者不仁也驟起也危急之證痰在喉中作響響如打鼾舌色白而不腫諸書皆稱肺絕不救蓋緣誤服寒涼以致死耳如服桂薑湯立瘳桂薑湯專治頃刻而起前無毫恙者此虛寒陰火之證肉桂炮薑甘草各五分共歸枕內取滾水衝入仍將枕頓於滾水掉藥口許漫以照下立瘳或

以生川附切片塗白蜜火炙透黑收貯臨用取如細糲一粒口含嚥津亦立刻全瘡

喉閉治法

喉閉兩三日前氣急短促手足厥冷忽然痰壅氣閉命懸頃刻者是利服蘇子前胡等藥

乳蛾治法

其形圓如筋頭生於咽喉關上者輕生於關下者重或左有右無曰單左右皆有曰雙雙者輕單者重以土苧藤絞汁含口漫嚥

喉癰治法

體虛多鬱者患之喉中不閉不腫氣出如常微微癰瘡飲食不遂者是此係虛火淹纏難瘥忌刺畏補 冰片牛黃各一分膽礬三倍入雄精白梅三枚去其核雄等礪茶山

豆根七味藥粉三錢七入梅共搗作丸噙爲丸十箇含十日喉癰方中獨此尊虛火不宜補與刺總然醫癰不除根

### 喉珠治法

係腦門生一紅線如髮懸一黑胞大如櫻珠挂至咽門如用刀點卽死取土荳藤活根搗汁以好醋二三滴和勻滴入鼻中三四次絲斷珠破吐出瘀血立效

### 鎖喉治法

喉內無蛾形痰聲不響而喉欲閉者是後有藥訣

### 纏喉風治法

喉內熱結喉外腫繞且癢且麻者是 喉內之痰塞滿舌有痰護此痰不出牙齒作響如鼾唯喉痺誤服涼藥有此證也如再遲痰塞鼻內氣無出入卽死儻遇此危急之證取鷺毛一根黏釐許桐油入喉一捲痰隨油吐以桂薑湯

療之如其道路無人店之處藥未備在者遇有喉證取鍼刺其兩指少商穴無藥卽療

### 牙癰辨治

牙根肉紅腫痛甚者是刺出毒血取眞珠散吹之內服瀉肝湯而療牙骨及腮內癰痛不腫不紅痛連臉骨者是骨槽風也儻以癰治則害之矣

### 骨槽風治法

患在腮內牙根形同貼骨疽者是初起往往有誤認牙癰多服生地石羔以致成功爛至牙根延爛咽喉不救當用二陳湯加陽和丸煎服或陽和湯消之儻遇潰者以陽和湯犀黃丸每日早晚輪服如有多骨以推車散吹入隔一夜其骨不痛自行退出吹至次日無骨退出以生肌散吹入內服保元湯加肉桂當歸芎藭生黃芪生甘草收功而

止

癰癤治法

癰癤生於項間初起一小塊不覺癢癢在皮裏膜外漸大如桃核旁增不一皮色不異者以子龍丸每服三分淡薑湯每日送服三次至消乃止儻幼孩不善服丸取小金丹每日一丸用布包放石上隔布敲細入杯取冷陳酒三四匙浸化用銀物研臨臥以熱陳酒衝服醉蓋暖取汗服消乃止數年內忌食香橙食則復患凡癰癤內有潰爛開有成膿未潰者亦有未成膿者須服犀黃丸止其已潰之痛鬆其成膿未潰之痕消其未成膿之核已成膿者用咬頭膏穿之曰服溫補祛痰通腠活血壯氣之劑外貼陽和解凝膏而瘡其癰癤延爛至肩胸脇下不堪之極者須用洞天救苦丹三服犀黃丸六服服有規法載前服完九日後

皮色變白孔肉紅活接服大棗丸肌肉漸長用生肌散日敷收功又瘰癧爛至咽喉如飲熱湯外覺熱痛者乃危險至極儻稍遲則爛穿咽喉不救急取柴心一根量本人中指量其三指共積一赫隨其長短男左女右就手之左右卽在手下突出之骨正中骨頂之處定準一直量上盡頭以墨記取艾團連灸三壯膏掩可保咽喉不穿收功之法前已列明敷藥有訣陳左未成膿者灸則可消爛潰者可斂赤貧人用之 瘰癧爛潰不堪言爛至胸腰連耳肩荆芥根煎溫復洗瘡中紫堞莫鍼穿犀黃大棗丸神效日服日洗日敷症樟腦腰黃等細粉麻油調搽肉新鮮

### 遮顙發頤治法

患生於顙有曰遮顙者有曰發頤者當宜別治顙內痠痛者遮顙也取嫩膏敷上次日全瘳儻病後兩頤發腫不作

痲痛者乃是發頤宜服表風散毒之劑當用白芷天麻防風荊芥各一錢陳酒煎半碗送服醒消丸三錢自癒

耳後銳毒治法

患發耳後又名耳後發宜別陽實陰虛治無一錯患色白者以陽和丸與二陳湯同煎服或以小金丹服消色如紅者醒消丸服消諸書不拘紅白槩以元薺牛蒡連翹歸尾赤芍銀花等七味治之色紅者尚服不消儻色白者服遭其害矣

走馬牙疳治法

用生香附生半夏等分爲末雞子白調作如餅貼男左女右湧泉穴一周時癰如小兒口内生毒塊不能食乳俗名螻蛄子用生地酒浸搗爛塗男左女右腳心自癒

鵝掌風治法

鵝掌風患於手足掌指皮上硬而癢燥烈者是用麻油一兩紅礬一錢敲細如糝入油煎至礬枯煙絕爲度去礬留油有風之處日以火烘油擦二三次至瘡止

### 鵝爪風治法

卽油灰指甲日取白鳳仙花搗塗指甲上下包好日易鳳仙過時灰甲換好

### 天蛇頭治法

患生指上形似蛇頭而名紅痛者取白蘿蔔一段挖孔入雄黃三分蒸半熟套指或取烏梅仁嚼爛塗指嫩膏塗之皆消如患色白小金丹服瘡

### 甲疽治法

凡指甲邊生一赤肉突出時常舉發者甲疽也用狼毒一兩黃芪二兩醋浸一宿入豬脂五兩微火上煎取二兩絞

去渣退火氣以封疽口日易三度毒消口斂

### 脫骨疽治法

凡手足之無名指患色白而痛甚者脫骨疽也諸書載云急用翦去其指可保其命遲則腫延手足之背救無術矣殊不知此亦疽也大人以陽和湯幼孩以小金丹最狠者以犀黃丸皆可消之色紅者以熱癰蛇頭等法治之

### 中部治法

### 井泉疽治法

此疽生於心口又名慢心銳毒初起若心口內有塊漸大心口發高毒陷卽死此醫皆縮手之證諸書亦無藥治之法唯以本人兩手十指以線量其長短共積其線在喉管正中處雙環至背脊之中看兩線頭盡處爲中穴又以本人中指之中一節用柴心量準作一寸中穴之左右各遺

一寸各以墨記分立三穴如小。每穴用艾三大壯一齊火灸灸畢全瘥

### 肺疽治法

諸患易識獨肺中患毒難覺兩腳骨癢痛者或腳骨不痛而舌下生如細豆一粒者再心口之上內作微痛及欬嗽口乾咽燥此皆肺中生毒之證也即用甘草桔梗各三錢煎服服下如覺稍安肺之患毒無疑矣以犀黃丸十服服完全瘥此是預識預治百無一死之法世人但知腳痛醫腳欬嗽醫嗽舌下一粒便以刀刺且此一粒患未成膿定色淡患瘥亦消患篤其色紫黑如用刀刺立害諸書皆載云口吐臭痰胸中發脹作痛者肺癰也又稱證有三不治時吐臭痰久如硬米飯者不治嘔膿不止者不治白而變赤者不治唯嘔而膿自出者易治治之之藥唯地黃保生

歸脾等湯輪服而已。竝無預知早治之法。直至吐臭痰。發  
腥。始知肺癰。猶小舟飄入大洋也。每見此證。吐膿。膿色皆  
白。故稱肺疽。用犀黃丸治無不效。有赤貧者。患之以陳年  
醃芥菜滷。每晨取半杯。滾豆腐漿衝服。服則胸中一塊塞  
上塞下塞。至數次方能吐出。連吐惡膿。日服至瘡凡患此  
證者。終身戒食鴨卵白。養紅蘿蔔石首魚。着甲魚食。則復  
發難生。

### 發背治法

發背乃癰疽中大患。緣其患位對心對肺對臍耳偏。曰搭  
手。因手可搭而名。紅腫痛甚者。應稱背癰。治法已列。治癰  
法內如患色白腫痛者。當以流注法治。如平塌不痛者。當  
以陰疽法治。此皆陰發背也。如誤敷涼藥。誤貼涼膏。定毒  
攻內腑不救。

### 乳出治法

初起乳中生一小塊不痛不癢證與癰癤惡核相若是陰寒結痰此因哀哭憂愁患難驚恐所致其初起以犀黃丸每服三錢酒送十服全瘥或以陽和湯加土黃五錢煎服數日可消儻誤以膏貼藥敷定主日漸腫大內作一抽之痛已覺遲治儻皮色變異難以挽回勉以陽和湯日服或以犀黃丸日服或二藥每日早晚輪服服至自潰而痛者外用大蠟六隻每日早晚取蠟破腹連雜以蠟身刺孔貼於患口連貼三日內服千金托裏散三日後接服犀黃丸可救十中三四潰後不痛而癢極者無一毫挽回大忌開刀開則翻花最慘萬無一活男女皆有此證

### 乳癰治法

婦人被兒鼻風吹入乳孔以致閉結名曰妬乳內生一塊

紅腫作痛者大而言癰小而言瘤以紫河車草浙黃各三錢爲末黃僊拌陳酒服醉蓋取汗或用炒白芷乳香沒藥各製淨折黃歸身等分爲末每服五錢酒送專治乳癰乳痛一服全消如潰以醒消丸酒送一服以止其痛外貼洞天膏自瘰如患色白者應以流注法治儻爛潰不堪者以洞天救苦丹按法與服七日後接以大棗丸日服收功

### 乳懸治法

此怪證也世間亦偶有之蓋產後兩乳伸長形細如雞腸垂過小腹痛難刻忍急用芎藭當歸各一斤內取各四兩切片水煎時服以所餘斤半切大塊產婦面前放一棹下放火鑪將芎歸入鑪漫燒令婦伏於棹上口鼻及乳吸烟如藥盡未痊再如前法煎服熏吸便可縮上儻不能復舊取麻子一粒冷水磨塗頭頂見縮復舊卽時洗去乃瘥

瘰癧後儻日後再產必復發不救故膏藥不可以貼麻煎入  
儻貼孕婦下身瘡癰卽小產產後尙不覺膏故再貼致命  
可見麻巴豆之害如此

### 下部治法

#### 橫痃治法

橫痃生於小腹兩旁大腿界中形如腰子皮色不異硬如  
結核按之微痛者是也日取皂角刺六錢爲末布袋同糯米  
二合煮粥時飲三四日全消或以子龍丸每服三分淡  
薑湯日送三次全瘰乃止大忌開刀開則刀口無膿惟出  
白膩漿三百日內而死自潰者亦然

#### 小腸疽治法

患在小腹之內按之如掌堅硬而熱微痛小便頻數汗出  
惡寒腹色如故或現微腫脈緊實有力者是也以犀黃丸

瘰之

懸癰治法

患生肛門前陰莖後兩相交界之處初起細粒漸如蓮子數日如桃李樣俗呼偷糞老鼠潰經走洩卽成漏生管漏人成怯如怯諸人患此乃催命鬼也諸漏宜醫獨此不可治治則漏管愈大致成海底漏不救在於未成膿時用生甘草熟軍各三錢酒煎空心服一劑卽瘰如成膿以醒消丸瘰之儼患色白者小金丹瘰之

子癰治法

如腎子作痛而不升上者外現紅色子癰也遲則成功潰爛致命其未成膿時用枸橘全箇川棟素芫陳皮赤芍甘草防風澤瀉等分錢半一服卽瘰

囊脫治法

腎囊生毒爛破腎子落出外用紫蘇湯日洗取紫蘇葉槌  
爲末日敷用青荷葉包裹內服煎劑黃連六分歸尾連翹  
黃芩各一錢五分甘草木通各一錢

### 痔漏治法

痔漏卽腸癖凡人九竅中有小肉突起卽如大澤中有小  
山突出也不獨於肛門一處言痔故有鼻眼牙痔等名痔  
分五種狀亦不一曰牡曰牝曰蠟曰腸曰氣未破者曰痔  
已破者曰漏肛門邊生出數瘡腫而突出膿潰卽散者牝  
痔肛門邊露肉如珠狀如鼠奶懸血流膿者牡痔腸口顆  
顆發痛且痛且癢血出淋漓者蠟痔肛門內結核有血發  
寒熱登廁卽脫肛者腸痔肛門腫痛遇怒卽發怒息卽安  
者氣痔酒醉卽腫痛流血者酒痔色痔相同每大便有血  
注不止者血痔患外痔用蘇合油一兩狸膽冰片各五錢

槐花粉一兩研和加入洞天嫩膏一兩五錢再研和固貼勿使洩氣臨用取塗痛息日塗兩次至瘡乃止內服杜痔丸地骨皮生地各三兩黃芩丹皮各兩半槐花二兩甘草焦黃蘗各五錢焦蒼朮二兩各磨細粉白蜜爲丸每早晚各服五錢患內痔候登厠翻出肛外用溫水洗淨側臥其痔盡出勿使收入亦有痔自翻出大如茶杯形如一菌糞從菌心而出痛極上而如盆四邊高中心陷下如菌根糞後用鮮枸杞根搗爛煎汁熱熏溫洗洗淨以洞天膏攤如葉椀大中剪一孔以一邊翦開通孔烘鎔枷於菌根貼於糞門四邊圍護好肉誠恐上藥藥汁滴於好肉耳每取藥一二分入杯津調筆蘸拂菌之外面四旁日夜各拂一次菌之中心通連糞門大忌拂藥儻有流入大痛難當拂一兩日毒水流菌形漸縮而頓再拂一兩日漸硬而黑菌

邊日有脫下用藥一錢內再增硃砂一分如前津調日夜照拂菌縮小黑硬更拂拂至菌根自落全瘡方藥列後

### 鶴膝風治法

鶴膝風之初起漆蓋骨內作痛如風氣一樣久則日腫日粗而大腿日細者是也因形似鶴膝而名專治之法取新鮮白芷用酒煎至成膏收貯瓷瓶每日取膏二錢陳酒送下再取二三錢塗患至消乃止否則用陽和湯日服外以白芥子爲粉白酒釀調塗亦消

### 貼骨疽治法

貼骨疽患在環跳穴又名縮腳疽皮色不異腫硬作痛者是外用白芥子搗粉白酒釀調塗或以大戟甘遂二末白蜜調敷內服陽和湯每日一劑四五服可消消後或服子龍丸或小金丹以杜後患大忌開刀開則定成縮腳損疾

魚肚癰治法

患生小腿腿肚此因肉緊筋橫在一身用力之處最痛難忍外以紫藥紫上內以五通丸醒消丸每日早晚輪服初起立消切忌開刀宜以藥咬穿庶不傷筋而無繃腳之損色白者應以疽治忌用紫藥孕婦忌紫紫則胎墮

癰瘡治法

生於小腿男人謂之爛腿女人謂之裙邊瘡因氣滯血凝經年累月臭爛憎人初起或腿上搔破或生小瘡因經熱湯湯氣或食毒物或用瘡癰膏貼爛成一孔以烏金膏治之烏金膏用烏鉛一斤入礮三錢鎔化次日鉛而刮下者名金頂礮再以鉛鎔澆薄如紙片照患孔大小翦如膏藥一方鍼刺二三十眼取光面貼孔日煎紫花地丁湯洗孔並洗膏二次三日內毒水流盡色變紅活以水飛伏龍

撒上仍用前膏貼外戒多立行走房事食毒物凡婦人須待月信之後貼起

### 驢眼治法

患主腳骨俗呼夾棍疽未潰色白以疽治紅腫以癰治如爛潰日久形如驢眼者莫以癰瘡治當問初起紅白以疽癰別治

### 牛程蹇治法

腳底皮內生一炮痛難步履略去老皮以生草烏酒磨塗上速癒如患生腳底之心名湧泉疽當別紅白色治

### 流火治法

患生小腿紅腫熱痛不潰不爛世之醫家惟以刀鐮血出或以鯽魚血塗總無全癒之日時常發作復鐮復塗而已須以礬灰化於缸水內次日水面上定結一層如薄冰者

取起以桐油對調膩厚每日拂上二三次三四日全瘰後  
不復發醫時忌食豬肉

醫方

陽和湯

熟地黃一兩麻黃五錢鹿角膠三錢白芥子二錢炒研肉桂一錢生甘草一錢炮薑炭五分不用引此方主治骨槽風流注陰疽脫骨疽鶴膝風乳巖結核石疽貼骨疽及漫腫無頭平塌白陷一切陰凝等證麻黃得熟地不發表熟地得麻黃不凝滯神用在此

陽和丸

肉桂一兩麻黃五錢炮薑炭五錢共研細末灑水爲丸

醒消丸

乳香沒藥末各一兩麝香一錢五分雄精五錢共研和取黃米飯一兩搗爛入末再搗爲丸如蘿蔔子大曬乾忌烘每服三錢熱陳酒送服醉蓋取汗酒醒癰消痛息

犀黃丸

醒消丸內除去雄精加西牛黃三分如前法用飯一兩爲丸凡患乳岩瘰癧痰核橫痃流注肺癰小腸癰等毒每服三錢熱陳酒送下患生上部臨臥服下部空心服

小金丹

白膠香草烏五靈脂地龍木鼈各製末一兩五錢沒藥歸身乳香各淨末七錢五分麝香三錢墨炭一錢二分以糯米粉一兩二錢爲厚糊和入諸末擣千捶爲丸如芡實大此一料約爲二百五十九嚙乾忌烘固藏臨用取一丸布包放平石上隔布敲細入杯內取好酒幾匙浸藥用小杯合蓋約浸一二時以銀物加研熱陳酒送服醉蓋取汗如流注初起及一應痰核瘰癧乳岩橫痃初起服消乃止幼孩不能服煎劑及九子者服之甚妙如流注等證成功將

潰潰久者當以十九丸作五日早晚服服則以杜流走患不  
增出但內有五靈脂與人蔞相反不可與有蔞之藥同日  
而服墨炭係陳年簍子  
墨略燒存性研用

### 子龍丸

甘遂大戟必要按法精細法製爲粉白芥子炒磨爲末各  
等分煉蜜爲丸日服三次每服淡蘆湯送服三分忌與甘  
草之藥同日而服

### 觀音救苦丹

硫黃三錢硃砂二錢共研入銅器鎔化離火入麝香一錢  
調和預以油紙鋪地以藥澆紙上取爲米粒遇小癰取一  
粒放患頂火點卽然立刻燒過膏掩次日瘰

### 洞天救苦丹

取露天有子蜂窠鼠矢尖者青皮棟樹子立冬後者佳互

上炙存性爲末等分配準研和每取三錢陳酒送服服後要隔兩日再服

### 大棗丸

用山羊矢曬乾入鍋炒炭存性悶熄磨粉收藏每遇久爛不堪將見內黯者以大棗去皮核先搗爛如泥然後入前粉捶至成丸每服四錢黑棗湯送服

### 回疔散

土蜂窠有子者一兩蛇蛻一條泥裹火煨存性爲末研和聽用

### 拔疔散

硼砂白丁香輕粉乳香蜈蚣各一錢血竭麝香各二錢金頂礪六分均製爲末取蟾酥一錢酒化和搗爲丸如芥子大宜帶長以便插入疔孔

奪命湯

銀花草河車赤芍細辛蟬蛻黃連礪蠶防風澤蘭羌活獨活青皮甘草等分

聖靈丹

真珠西牛黃冰片各一錢琥珀四錢硃砂三錢石鍾乳二錢各製研粉入飛麝四兩研和每服取末五分煎土茯苓湯調含再以湯送服服無不瘳但石鍾乳真珠牛黃三物價皆貴重不可輕減分兩

三黃丸

熟大黃三兩乳香沒藥末各一兩雄精五錢麝香一錢五分西牛黃三分以熟大黃酒浸透入碗隔湯蒸軟搗爛然後以乳沒雄麝西五末和入再搗千捶爲丸如梧子大每服五錢此丸專治懸癰紅腫熱毒療痛大瘰楊梅廣瘡結

毒火毒等證連服十次甚險全瘳

### 五通丸

廣木香五靈脂麻黃沒藥乳香各淨末等分用飯搗爛入末再搗爲丸如梧子大另以芎歸赤芍連翹甘草等藥煎湯送丸五錢凡大癰生於要緊穴道將在發威之際服此甚效如與三黃閒服更妙

### 蟾酥丸

寒水石三錢血竭沒藥膽礬乳香雄精銅青穿山甲礪簪全蠍酒炒各一錢硃砂枯礬皂角刺冰片輕粉紅礬各三分蜈蚣去足三錢各製爲末用蝸牛二十一箇蟾酥三錢酒化共搗爲丸如綠豆大金箔爲衣每用葱白裹一九敲碎酒服醉蓋取汗小癰初起服卽全消白疽忌用

### 梅花點舌丹

沒藥礪砂藤黃熊膽乳香血竭澤瀉天冰片沈香各一錢  
蟾酥麝香各二錢破大珠子三錢硃砂牛黃各二錢各製  
爲末摘出蟾酥以人乳化開入末和搗爲五百丸如綠豆  
大金鎖爲衣凡紅腫癰癤初起取一九入葱白內打碎酒  
吞蓋暖取汗三箇時毒消而瘡

### 紫金錠

山慈姑去皮淨文蛤去末淨各三兩麝香一兩二錢千金  
子去油淨大戟洗淨焙各一兩共爲細末研極細爲度以  
老米糊和勻入日中杵干捶成膏作錠醋磨塗毒消癰化  
服通節竅消熱痰

### 勝金散

人參三七磨粉米醋調塗患消痛息潰者乾敷立瘉刀斧  
傷

五寶錠

雄黃熊膽京墨硃砂各一錢麝香五分牛黃一分先將京墨研粉用酒少許化之再入熊膽研膩後入諸末共研作錠凡遇紅腫惡毒水磨以新筆蘸藥圍患中空毒頂乾再圍圈至全消初起者無不神效白疽忌此

一筆消

大黃二兩藤黃一兩明礬蟾蜍五錢麝香乳香沒藥各二錢用蝸牛搗爛作錠小瘡空出瘡頂取錠醋磨新筆蘸藥圍圈乾再圍圈至癰消方止

咳頭膏

銅青松香乳香沒藥杏仁生木鼈粉薤麻仁等分巴豆不去油加倍搗成膏每兩膏內加入白礬一分再搗勻臨用取綠豆大一粒放患頂用膏掩潰卽揭下洗淨換膏貼胎

前產後忌用

代刀散

皂角刺 蘇黃芪各一兩 炒生甘草 乳香各末五錢 每服三錢 酒服立潰

紫藥

蕪麻仁 搗爛如泥 鋪絹上 絹照患大 又取一絹蓋上 然後隔絹紮上 能拔其毒 能止其痛 惟紅痛非常者 不得已用之 如胎前產後婦人及患色白者 忌用 此卽如千捶膏內有蕪麻仁 鯽魚膏有巴豆二物 提拔之力甚狠 如孕婦紮卽墮胎 白疽紮則成功 惟無孕婦人及男子可紮 痛止卽去

山蓮散

大活鯽魚一尾 破腹去雜 以山羊矢塞實 魚腹放瓦上 浸

火炙乾存性研末加麝香一錢固貯如爛潰不堪與內服  
止隔一膜者用此撒上奇功立見

### 象皮散

豬身前蹠扇骨煨炭研粉十兩加入象皮炙炭存性一兩  
共爲極細末凡遇爛孔如掌之大者以此撒上至孔收小  
後用六和散敷此藥能療刀傷跌損出血

### 六和散

海螵蛸龍齒水飛象皮炙存性研極細血竭乳香輕粉各  
等分加研極細或乾撒或熬雞子油調拂

### 推車散

推車蟲卽羌蝦炙研細末每一錢入乾薑末五分研極細  
專治多骨用吹孔內內有骨次日不痛自出吹過周時無  
骨出則知內無多骨也

五寶散

人指甲五錢用紅棗去核逐枚包甲以長髮五錢細紫棗同象皮薄片五錢入瓦上炭火炙鎔成團存性取出研粉加麝香一錢冰片三分固貯生肌速效

拔毒散

巴豆霜一錢雄黃一錢冰片五分麝香一錢共爲細粉取撒膏上貼則拔盡毒氣使無後患胎前產後之婦忌用

合掌散

硫黃一兩鐵鏞一錢紅礬六分共研極細如麪取葱汁調和塗入大碗內勿使厚薄以碗覆於瓦上取艾置碗下熏藥藥得熏乾敲藥碗聲同空碗無異爲度取藥再研極細每遇滿身癩疥及腎囊瘻用藥一錢可敷數次全瘳臨用以右手中指羅紋黏滿香油再在包內黏藥塗入左手心

合掌數磨止有藥氣不見藥形將兩掌擦瘡每日早晚擦  
二次三日瘡光再擦三四日不發

### 二美散

吳茱萸焙硫黃等分各研極細如麵專治膿疥雜開者照  
前法蘸入手心合掌磨擦每日二次瘡後再擦三四日

### 五美散

皮脂一兩黃丹一兩炒透硫黃雄精各三錢輕粉一錢共  
爲極細末入洞天嫩膏調敷膿瘰坐板溼毒獼猴疔外以  
絲紙掩綁不可動揭五日後揭下再敷一二次全瘡如溼  
毒瘰極先以金銀散敷上次以前膏加敷

### 金銀散

硫黃二兩入銅器鎔化加銀朱五錢攪和離火倒油紙上  
冷取研細醋調敷治惡瘡極瘡如破爛爛孔瘰極者白蜜

調敷

神仙棗

紅棗二斤銀花歸身各一兩甘草三錢白殭蠶白芷乳香末五楠子黃芪各五錢水六碗煎半渣如前煎共湯六碗去渣當水煮棗治患瘡日久體虛瘡最重者外敷內服四五日喫完全瘥

紅棗丸

白殭蠶紅棗各四兩先用水煮紅棗一二滾取棗湯洗殭蠶棄湯以棗去皮核搗爛殭蠶曬乾爲末二兩同棗搗和爲丸四兩仍用紅棗湯送服專治瘡鼓服完全瘥

金霜散

杏仁去皮尖三錢雄黃錢半輕粉一錢研末豬苦膽調敷不瘥惡瘡

平安餅

烏梅肉一錢輕粉五分研和不見粉亮爲度如硬用津少許不可用水研至成膏照患口大小作薄餅幾箇以貼毒根外用膏掩日易一次俟毒根不痛落下方止

枯痔藥

用明礬一斤紅白礬三錢共入陽乘罐內外圍炭火燒至礬鎔有煙起煙卽礮毒人立下風忌聞俟煙盡礬枯去炭次日取出研如細粉每取一錢加入飛過硃砂一分研和聽用

退管方

黃荆條所結之子取炙燥爲末每服五錢黑饅拌空心陳酒送服專治痔漏之管服至管自退出方止

消管丸

苦蘗四兩川連二兩酒炒當歸槐花畢澄茄各一兩五楮  
五錢各爲細末用馬蹏髓兩箇約重八九兩柿餅四兩以  
水共煮去髓骨搗爛入前末搗和爲丸空心每服四錢白  
湯送下其管自出

陽和解凝膏

每香油十斤取新鮮大力子根葉梗三斤活白鳳仙梗四  
兩入油煎枯去渣次日以川附桂枝大黃當歸肉桂官桂  
草烏川烏地龍殭蠶赤芍白芷白藜各二兩川芎四  
兩續斷防風荆芥五靈脂木香香圓陳皮各一兩再煎藥  
枯漚渣隔宿油冷見過斤兩每油一斤加炒透黃丹七兩  
攪和文火慢熬熬至滴水成珠不黏指爲度卽以溼粗紙  
罽火以油鍋移放冷甕上取乳香沒藥末各二兩蘇合油  
四兩麝香一兩研細入膏攪和半月後攤貼一應爛潰陰

疔瘰瘡貼一夜全消潰者三張全瘳瘡疾貼背心

### 洞天鮮草膏

先用壯年頭髮一斤菜油三斤入鍋熬髮枯浮去渣聽用  
以活牛蒡甘菊蒼耳根葉金銀藤馬鞭草仙入對坐草各  
鮮草一斤入菜油十斤熬至草枯瀝出再以白芷甘草五  
錢脂當歸各半斤入鍋熬至藥枯出渣俟油冷將前頭髮  
熬過之油併入共見過斤兩每油一斤用當日炒透黃丹  
七兩入於油內攪勻再熬熬至滴水成珠以兩指取膏爲  
丸而丸不黏指爲度離火俟退火氣以油紙攤膏用貼一  
應熱毒瘡癰如做嫩膏者每斤油內入黃丹四兩熬黑收  
起聽用

### 白玉夾紙膏

麻油四兩熬至滴水成珠爲度離火加製松香五錢白臘

黃蠟各二錢半再熬去煙沫用絹漚清一加輕粉一兩二加冰片三分三加麝香三分隨攪隨加加攪勻極增雞子白一箇再攪勻貯瓷瓶以蠟封口聽用如貯兩月則藥乾無用專治夾棍杖傷及刀斧槍棍傷損爲效甚速用油紙校傷處長闊一倍以膏攤一面餘一面刺眼折來蓋膏以有眼一面向貼患處用絹布綁縛

### 化核膏

菜油四斤壁虎十四條蜘蛛二十八箇蝸牛三十六枚入鍋熬至枯浮油面取出再入各新鮮首烏藤葉甘菊根薄荷牛蒡蒼耳等草各半斤武火熬至草枯出渣俟油冷再入連翹元菱苦蘗白茲白芥子殭蠶水紅子仁各搗碎大黃荆芥防風各四兩浸一宿熬至黑枯以油漚清見過斤兩加製木醋油半斤配炒黃丹慢入慢攪攪勻文火再熬

外科寶鑑卷之九  
九  
至滴水成珠膏不黏指爲度再加入丁香油麝香各二錢蘇合油一兩攪勻退火攤貼凡瘰癧結核惡核此膏貼即暗消但毒根不除必以子龍丸日服三次外用膏貼友可除根以杜後發

### 白花膏

香油一斤青槐枝百段陸續入油熬枯油至滴水不散取出枯枝入黃蠟兩半鉛粉兩半離火溫時再下製淨乳香兒茶沒藥白花蛇各三錢樟腦一兩麝香一錢同油攪勻成膏浸水內一宿專治瘡極見骨者

### 紫微膏

香油四兩燭油兩半黃蠟兩半熬至滴水不散入炒鉛粉三兩輕粉乳香阿魏白蠟沒藥各五錢兒茶六錢雄黃龍骨真珠各五錢攪勻遠火入麝香五錢成膏聽用生肌散

口

麝蘇膏

麝香五靈脂沒藥雄黃乳香各一兩蟾蜍五錢蘇合香油二兩洞天嫩膏八兩共攪勻入瓷瓶固藏遇大瘡空出患頂取此塗圍如乾以雞毛黏酒拂上神效內服醒消丸立癒

聾耳散

凡耳內有膿作痛取新鮮白鯊魚腦中枕骨入火燒紅取出俟冷每兩加冰片一錢共研用縣花捲乾耳膿吹藥二三次即癒

消管方

皂角刺尖柘樹膜炙淨末各五錢紅腹金錢龜炙淨末三錢榆癩真蟾蜍各一錢和入加工研細固藏聽用每遇漏

管先以豬鬃探通料其淺深然後以絲紙捲藥爲條塞入  
口易日塞至瘡乃止

### 癰酒方

用本地白槿皮南星檳榔各一兩樟腦生木髓各五錢斑  
蝥三十箇蟪蛄三錢共浸滴花燒酒一斤內聽用遇癰三  
日一鬚一拂至瘡乃止

### 鮮角膏方

五月初旬取新鮮皂角荊數斤搗爛水煮濃汁滌出易水  
再煮二三度出渣以汁共歸一鍋漫火煎至成膏如治橫  
痃每日取二錢同糯米煮粥日食而瘡如治頑癰用皂角  
荊醋熬成膏鬚髮後塗敷日鬚日敷毒水盡再敷數次全  
瘡

### 喉證方

蘇子前胡赤芍各二錢甘草桔梗各二錢元蓼連翹浙貝  
各一錢半治風火喉閉鎖喉風○實火用川連一錢桔梗  
牛蒡元蓼赤芍荆芥各一錢半連翹黃芩花粉射干各錢  
半防風一錢半連翹黃芩防風荆芥射干各一錢銀花錢  
半薄荷八分川連甘草各五分

### 壁錢散

六七月取有子壁錢七箇老蟪子兩箇髮紮好用明礬七  
分鎔化以紮好之壁錢入鎔礬黏足燈火炙透研粉凡熱  
痛喉證用吹最效

### 眞珠散

礪砂雄精川連兒茶人中白冰片薄荷黃蘗各等分大破  
珠減半各爲極細末治牙疳牙根紅腫口喉刀點以散吹

### 赤霜散

紅棗一枚去核入紅碗如黃豆一粒紫好瓦上炭炙至黑  
炭上起白色煙盡爲度蓋熄俟冷加入冰片一分研專治  
走馬牙疳延腫穿腮危險不堪之証吹之效速如神人  
之孔生肌亦速

又方

白馬前躡修下腳皮炭炙存性爲末入冰片少許吹患處  
立瘳

南星散

南星一枚挖空入雄黃一塊麥麩包裹火燒俟雄鎔以杯  
合定遠火俟冷去麩研末加麝香專治牙蝕因患骨槽風  
以致牙蝕透骨穿腮拂之數日瘳

骨鯁方

緇砂草果威靈仙清水沙饒共煎連服三四碗骨化爲涎

刻散丸又名過街笑

蟾酥一錢陳酒化透入五靈脂麝香各一錢研和爲丸二  
白粒新零網包絲線紮固藏瓷瓶每取一九咬於痛牙九  
化全瘥

固齒散

取老鼠頭骨牙同鹽煨存性研細以擦動牙牙卽收上不  
搖

取齒丹

活鯽魚一條每重十兩以白礬一錢入腹放無風無貓犬  
處七日魚身發白毛用雞毛拂下以少許膏藥收之每遇  
病牙取些些膏藥貼齒片刻牙卽落下

舌上出血或鼻衄方

茅柴根車前子血餘三物爲末吹擦卽止以煎服治溺血

鼻衄龍骨末吹入立止

### 小兒口疳方

生香附生半夏等分爲末雞子白調作如餅貼男左女右湧泉穴一周時瘡如小兒口內生毒塊不能食乳俗名螻蛄子用生地酒浸搗爛塗男左女右腳心自瘡

### 口舌藥方

荆芥梔子仁黃連黃芩連翹大力子薄荷通草各一錢燈心一撮甘草四分蒲黃一錢爲末擦上卽瘡又天薺冬麥薊冬去心元薺等分爲丸彈子大日取一九嚥化又舌輓生衣用渾黃硃砂各一分元精石二兩研末刺出舌尖黑紫血用藥撒上須臾舌輓

### 楊梅瘡敷藥

人指甲頭髮瓦上炙存性研粉每一兩加麝香一錢再研

和日敷

千金內托散

人參黃芪防風官桂白芷厚朴川芎桔梗甘草不用引

二陳湯

橘紅五錢半夏二錢茯苓一錢甘草加白芥子二錢炒研

四物保元湯

川芎當歸白芍熟地人參黃芪炙草

又保元湯

肉桂生黃芪生甘草

加味四物湯

川芎當歸白芍熟地黃生甘草炒白芷茯苓五味子人參肉桂

十全大補湯

外科神效全生方  
人蘗白朮漂淨土炒焦茯苓炙甘草熟地白芍川芎當歸  
黃芪肉桂

六味地黃湯

熟地山藥澤瀉山萸肉茯苓丹皮

龍膽瀉肝湯

龍膽草當歸尾各二錢銀花花粉黃芩連翹各錢半知母  
甘草丹皮防風木通各一錢

敗毒湯

連翹赤芍銀花歸尾黃芩花粉各二錢甘草節一錢煎湯  
送醒消丸唯疔毒忌酒此外藥內不可缺酒水各一碗煎  
半服小孩減半煎化丸服

雜證

外科之治法並藥方業已和盤托出尙有雜證亦藥到病療萬無一失者盡列於左

調經種子方

當歸身川芎吳茱萸各一錢熟地香附各一錢五分白芍茯苓丹皮各八分延胡索廣陳皮各七分若經水先期者必色紫加條芩八分過期者必色淡加官桂乾薑熟艾各五分不論先期落後每服加生薑三片水一椀半煎八分俟經水至日空心服起渣再煎臨臥服一日一劑服至經止兩三日交媾卽孕經期準而不孕者照後方服四劑下期再服而孕續斷沙變杜仲當歸益母各二錢川芎一錢砂仁炒研五分清附二錢橘紅一錢紅花三分凡痛經不受胎者取丹蘂曬乾磨粉日以二錢溫陳酒送服兩月內

卽孕無有不靈

求嗣得嗣法

昔褚澄言男精洩於先而女精後至則陰衰陽主男孕如女精洩於先而男精後至則陽衰陰主女孕又言月信初盡其濁氣未清而交接卽女務待經止兩足日則女體虛而濁氣盡再男人保養月餘陽勝於陰定成男孕又論子宮左右如男精洩於婦人之左生男右則生女此男清女濁男左女右陽壯陰衰之至論也凡疾風暴雨或醉飽或服春藥而受胎者多天必俟天氣晴明日暖風和明星朗月而受胎者多富貴儼時令不正或迷霧氣怒而受胎者多愚蠢貧賤或雷電之後而受胎者定生怪狀一物凡求嗣者須知

黎洞丸

牛黃冰片各二錢阿魏雄黃各一兩大黃乳香沒藥兒茶  
天竺黃蘗三七血竭各二兩山羊血五錢前藥各爲末取  
山羊血拌曬乾再磨爲末加藤黃二兩隔湯煮十餘滾去  
淨浮膩入末爲丸如芡實大儻藥乾少加熟蜜可也丸宜  
陰乾以黃蠟包裹珍藏臨用破蠟殼取丸陳酒化服專治  
腫毒跌打危重之證內服外敷皆效

祛風逐溼散

番木髓甲尾各精製淨末二兩川附一兩共爲末專治手  
足不仁骨節麻木每服七分用好陳酒五鼓送下醉盡取  
汗服至痛處更痛麻處更麻頭眩背汗昏沉四五刻卽定  
定則全瘳如服後不覺痛麻必要日服至知覺方止

化痞膏

凡患痞癰之處肌膚定無毫毛須看準以筆圈記用香油

一斤密陀僧六兩阿魏五錢羌活一兩水紅花子麝香各三錢熬膏退火攤貼近取一痔可消年久兩張而瘰內服尅堅酒用水紅花子研末三錢浸火酒二斤時刻呷至瘰乃止

### 三日大瘰方

瘰未至之先用陽和解凝膏布攤貼背心用常山雲苓官桂甘草檳榔各三錢小黑豆四十九粒酒水各二碗煎至二碗當晚先服一碗蓋暖而睡畱一碗次日約瘰至兩箇時前頓熱服蓋暖臥待瘰至亦輕亦有當日而瘰瘰後忌房事戒食生冷勞碌風霜忌食雞羊牛肉雞子鴨卵白藕豆半月永截不發

### 愈瘰棗

紅棗三斤豬板油一斤陳酒三斤共入沙鍋內煮乾加水

三斤煮至一半不時取食食完瘡癰如暑天分作五六次  
煮食

### 黃疸立效方

凡患黃疸者眼白黃小便赤身體頓倦取黃豆生嚙不惡  
心者是用蒼耳子薄荷木通絲蒡陳各三錢要用無毫水  
之陳酒一斤煎一椀術炒砂仁末三錢服小便赤如血者  
加川連一錢同煎屢用瘥人有口癰癰黃疸皆溼證應忌  
酒殊不知酒本溼也今做緝溼捕善識溼穴領藥戰溼非  
酒不可如經滴水不效者何也酒被水解捕猶賊阻也

### 紅白痢及瘰癧方

凡痢不拘紅白忌服川連服則倒胃不生腹痛而痢者後  
方一服立瘳儻增減定不效車前草炒研二錢檳榔厚朴  
山楂陳皮滑石甘草各一錢紅麴三錢炒澤瀉枳實各一

錢燈心一撮同煎另以木香六分酒磨衝藥而服有等腹  
不作痛惟痢膿血兼流黃漿此係平素愛食冷茶水酒乃  
滑腸痼息痢積溼之證取活鯉魚去腸雜切段放瓦上炙  
炭研粉每服三錢黃饌拌熱陳酒送下數服全瘳不拘老  
幼滑腸久痢者神效忌食水果水酒生冷海參海蛇等性  
寒之菜

### 癰癩證方

凡患癰癩或羊頭風等證綠心竅中痰迷所致取橄欖十  
斤敲損入沙鍋煮數滾去核入石臼搗爛仍入原湯煎膩  
出汁易水再煎煎至無味去渣以汁共歸一鍋煎濃成膏  
用白明礬八錢研粉入膏攪和每日早晚各取膏三錢開  
水送服或初起輕者取橄欖咬損一頭蘸礬末入口嚼嚥  
橄欖之味更美至瘳乃止

吐血立瘡方

凡吐血多者覓三四兩重大當歸一隻全用切細取好陳酒一斤漫火煎至一滿椀頓於鍋中以溫爲妙候將要吐尙未吐口中有血含住取藥一口連血嚥下卽此一劑而瘡後不再發每有醫家阻云吐血尙要戒酒豈可酒煮當歸而服則血噴不止如之何殊不知當歸二字之解當者當其時歸者引血歸經也全用定血此方乃余家世傳活人多多從無一誤

痰中有血方

活雄鴨一百隻每日清晨空腹時以一隻殺血椀內卽取叩嚥忌加鹽百日而食百鴨之血不可隔斷食完全瘡

湯血頭痛如裂方

當歸一兩酒一斤煎成一椀一服卽瘡

偏身癢痛方

當歸肉桂延胡索天麻等分爲末酒送五服瘡

手足骨節癢痛方

熟地四兩搗爛浸入滴花燒酒二斤隔湯頓熱以竹筴攪  
勻候冷隨量日飲至瘡取所浸熟地過酒

箭風痛方

延胡索桂心五靈脂木香白芷防風各一錢酒煎食遠服  
三日三服瘡

雷頭風方

諸藥不瘡之證惟用山羊矢炒炭研粉酒送二錢立效

偏正頭風方

白芷三錢天麻一錢磨細防風荆芥錢半煎水衝服

疳膨食積方

雞裏金三十箇忌經木瓦上炙無臭氣成炭存性磨粉車前子四兩炒磨粉二物和勻以米糖銘化與食食完全瘡忌食炒豆熬油結硬等物遲治傷目

又方

田雞白水煮熟蘸末少許淡食至瘡乃止

閃頸促腰方

礪砂研粉以骨簪蘸津黏粉點兩目淚出稍鬆連點三次立時全瘡

赤眼淹纏方

杜仲厚朴桑白皮檳榔各一錢取雄雞肝一箇忌經水去紅筋入白酒釀六兩隔湯頓熟去渣以湯肝食下隔兩日再服三次全瘡

胃脘痛方

活乳汁草卽蒲公英放瓦上炙枯黑存性研末每取蠶分  
燒酒調丸口含再以燒酒送嚥痛息接服五日全瘰戒食  
生冷

又方

紅坊內好紅花四分棗頭十枚水二椀煎至棗熟去花食  
湯棗連服二十日永遠除根

夢遺方

六味地黃湯減去澤蔞增龍骨三錢生研水飛蓮鬚一兩  
芡實二兩線膠四兩用牡蠣熟粉炒膠成珠去蠣磨粉同  
前藥蜜丸每日早晚各取四錢鹿含草煎湯送服

白濁方

牛舌頭草根卽野甜菜又名禿菜根近水池處最多煎湯  
當茶飲或以湯煮粥喫至瘳乃止

欬嗽神效方

杏仁一兩泡去皮尖內有雙仁者棄之買新乳鉢新研捶將杏仁搗爛如泥分爲三服每內加冰糖三錢共入蓋碗用泉水煎滾衝入蓋片刻俟溫連杏仁末服下早晚各一次三服而癒如以杏仁同煎無效

天絲入目方

捉肥蝨二十餘將蝨用鍼戳破令人仰臥捏蝨血滴入眼內少刻天絲灰抱蝨血而出

塵屑入目方

吐津於石硯上以人指甲磨濃汁用骨簪蘸點眼內不一刻一抹而出

跌打骨斷方

綠礬一斤煎湯粗紙浸透裏傷處手執燈心然火不住紙

上炙紙溫卽易火炮換然再炙二者相際效速斷骨處用  
竹片綁紮七日全癒

冷哮方

淡豆豉一兩白礬一錢皆爲末用飯三錢研爛入末爲丸  
如蘿蔔子大每取七粒白湯送下童子服可除根有年者  
經寒卽發服可把定不哮

腸紅方

取花椒子炒磨粉每服三錢用黃飴拌白湯送下服至癒  
止

胃寒嘔吐黃水方

生薑一斤擣取汁碗許入廣膠乳香沒藥末各五錢同煎  
膠化離火取藥攤作三四大膏令貼胃脘痛處以絹綁縛  
三箇時然後取周歲孩鞋兩隻鑪上烘極熱輪敷敷至膏

硬再易膏貼再綁三時敷至瘡而止後服慪胃丸○厚朴三斤切片薑二斤薑帶原皮五升水煮去薑留朴焙乾生甘草二兩乾薑四兩依前再煮煮乾去草留薑朴炒燥共爲細粉黑棗薑湯煮取棗搗爲丸嚥乾服

翻胃初起方

陳皮土炒黃皮起膈爲粉每空心服三錢

烏沙瘰方

丁香雄精蒼朮硃砂各等分爲末取蟾蜍亦等分切片酒浸研漿和前末搗爲丸如芥子細嚥乾藏貯每取七粒溫茶送嚥立甦

水瀉立瘥方

焦白朮蒼朮各二錢山楂厚朴廣陳皮土炒黃芩各一錢車前二錢焙搗同煎

### 大麻風方

用粗如酒杯之蛇一條竹刀破腹去雜切寸段取瓦放於炭火上以蛇段豎放瓦上蛇段跌倒者無毒棄之其不倒者有毒用炙存性磨粉拌入飯內覓通身白毛鴨一隻與食次日鴨毛盡脫殺鴨石鍋內煮爛勻作四五日食凡食鴨第一頓其腫者更腫第二三頓收小食完而瘡潰爛不堪及初起未爛者治法同效

### 狗咬方

番木鱉切片瓦上炙炭存性研末撒上二三日可以收功如爛潰日久者半月收功

### 小兒冷疳方

小兒面黃腹大名曰冷疳證多不瀉食多吐用丁香七枚研末乳蒸三四次蘆湯頓服若吐瀉相兼者橘紅分等蜜

丸如黃豆大米湯下不瀉僅吐者半夏薑湯浸煮曬乾磨粉對丁香橘紅末薑汁糊丸薑湯送下吐立止

### 小兒蟲證方

檳榔六兩黑牽牛仁二兩白牽牛仁二兩爲末用烏梅兩枚花椒三十粒煮湯吞服二錢如腸鳴久瀉用青皮棘樹根肉蒸透曬乾再蒸白饅拌每服一錢

### 夜嘔兒方

因穿蓋過暖竝父母同牀熱極所致諺云若要小兒安常帶三分飢與寒取雞矢塗兒臍中男雌女雄最妙或用眞屍黃飛硃砂各五釐研和塗舌上立止

### 砂雪丸

急漫驚風用青蒿節開蟲狀如小蠶七月內有久亦成蛾將蟲七箇搗和硃砂輕粉各五分九粟粒大一歲一九乳

汁調服詩云一半硃砂一半雪其功全在青蒿節任教死  
去也還魂服時須用親娘血

啞驚丹方

天竺黃二錢麝香犀黃各四分雄黃一錢琥珀六分礪蠶  
一錢陳膽星四錢各爲末用甘草釣藤釣煎膏爲丸硃砂  
一錢爲衣外加赤金每料勻作四十九每服研一九用燈  
心炭四錢薄荷湯送下神效又方用大蜘蛛一箇炙粉調  
豬乳灌之立刻音出

小兒目疾方

黃連一錢人乳調塗湧泉穴男左女右紅赤自無

又方

痘後眼內有星翳取杭州臘脂泡水鋪紙水上以新筆在  
紙上蘸水一日拂三次三日瘡遲治帶疾

### 小便閉方

此證乃氣閉非大小便不分也往往醫家用澤瀉木通車前豬苓等藥全無一效以歸身一兩川芎五錢柴胡升麻各二錢半水二碗煎八分一服卽通曾救多人或孕婦及老年之人加人參一錢

### 老年便燥方

老年人或患癰毒大便燥結取杏仁松子仁火麻子仁柏子仁各三錢搗爛滾水衝蓋片刻當茶卽便如熱甚者加甘蔗汁半杯衝服

### 小兒浮腫方

一童十一歲手足臂腿及指頭面徧身浮腫數日後口增沉重以致氣喘不能眠一客令覓黃皮柑子一枚同酒釀二斤煎至將乾去柑内核取柑連酒釀食食二次全瘳

## 製藥

用藥如用兵也兵有勇猛藥有燥烈烈藥經製則純勇兵經練則精兵精破賊不難烈藥治病易瘡苟於製不妥猶勇兵之武藝未備也今人不精於製而視性之烈燥者畏如蛇蠍諉之曰一效難求余初讀藥性繼攻炮製然藥之性古今之議未遠炮製之法卻有不同余畱心四十餘年深得製度烈藥之法用之功靈效速萬無一失方悉烈藥之力如勇兵製藥猶如演武也因古書獨於烈藥之處未詳是以錄登是集爲炮製之補遺云爾

### 銅青

酸平微毒治惡瘡疔瘡殺蟲吐風痰

### 鉛粉

酸冷無毒消中風痰止驚吐逆

黃丹

臨用炒紫色篩入膏內生肌療溼殺疥癩蟲

蜜陀僧

研水浸煮澄去水日乾入膏消痞殺蟲

鐵鏽

殺疥蟲

丹砂

研粉水飛養神安魄除中惡腹痛驚癇胎毒

水銀

應依方製用有微毒治惡瘡白禿下死胎

輕粉

有毒除爛孔毒根驚癇瘡癢惡瘡癰癤

銀朱

有微毒療疥癬殺蟲止癢殺蝨

雄黃

名腰黃透明者佳水飛治惡瘡死肌消癰毒化腹中瘀血  
滑石

丹皮對分煮透取石研水飛通九竅利六腑生津液分水  
道行積滯逐凝血降心火解暑熱

礞石

經製無毒不傷人畜同鉛入器內礞放鉛底火鎔煙盡爲  
度鉛上刮下者名金頂礞取香油一兩生礞一錢研入油  
煎沫盡煙絕擦鵝掌風取紅棗去核以礞代核髮紫入炭  
火煨至煙盡取研細粉名赤霜治走馬牙疳久潰不斂者  
撒上數次收功生者可療冷哮不傷人畜

元精石

鹹溫無毒治小兒驚癇硬舌

寒水石

性寒火煅用治潮熱中暑牙療

硼砂

性暖止嗽療喉去翳口齒諸瘡津蘸點目立療閃頸促腰

硫黃

敲細粒以蘿蔔搗爛絞汁煮再換紫背浮萍湯煮再煎角  
荊湯飛過去盡毒臭日乾研粉色白取豬臟淡煮爛熟每  
日早晚各取一段蘸粉分餘食治久痢滑瀉命門不足虛  
損洩精壯陽道補筋骨殺臟蟲長肌肉治陰蝕生用殺瘡  
蟲療癰雞

白礬

透明者佳蝕惡肉固齒以橄欖蘸食味佳療癰證解腸中

毒治癰痔頑痰

綠礬卽皂礬

療疳黃胖燥脾溼化痰

伏龍肝

卽竈心土再燒紅研水飛日乾乳調立療湯火燭孔

甘草

切三寸一段水浸透放炭火鐵篩漫炙炙至汁將出卽取  
離火暫冷再炙炙至草熟去皮切片熟者健脾和中甘平  
之品乃九土之精生者化百毒和藥性潤肺解瘡疽胎毒  
利咽喉

黃芪

去心蜜水潤炙如入補腎藥以鹽水潤炙切片炙爲補氣  
藥生有托毒功

人參

補氣獨入肺經肺主諸氣蓋肺旺則四臟皆旺精自生而形自盛補中益氣一切虛證

沙參

清肺火益心治久嗽肺痿消癰排膿

桔梗

去頭枝浮皮泔水浸一宿切片微炒職稱肺經消痰理欬清上焦熱治咽喉排膿口鼻諸證

知母

去尾切片上行酒潤焙下行鹽水潤焙瀉有餘之相火多服令人洩

白朮

浸一宿切片土拌蒸透去土勿炒於朮浸刮飯上蒸曬如

棗黑黃土炒於朮功勝白朮乃中宮和氣補脾之藥

蒼朮

泔水浸去粗皮切片日乾土炒炭治脾胃寒溼消痰逐水  
不伏水土止瀉痢霍亂久服延年

元蓂

蒸曬忌銅器消癰滋陰降火利咽喉通小便

地榆

水洗去骨切曬磨粉療惡肉湯火膿血犬傷

丹蓂

色赤酒潤炒血分藥也補心血養神志生新血安生胎落  
死胎爲胎前產後要藥每晚酒送末二錢連服四十日可  
療痛經卽孕

白芨

療瘡嚼塗手足燥裂

三七

止血定痛癰腫蛇傷

黃連

大寒治實火凡痢疾目疾非實火誤服致命爲倒胃之藥  
唯驚能療解巴豆輕粉之毒胡黃連性同

黃芩

苦寒風痰骨蒸喉膈癰毒養陰退陽

秦艽

去毛浸一宿曬乾切片搜肝膽伏風養血榮筋理肢節痠  
麻不遂大便滑泄者忌用

天麻

酒浸透以粗紙黏餘酒裏煨切片焙用治風溼四肢拘攣

助陽通血脈利腰膝強筋頭風眩暈

柴胡

去皮切忌經火苦寒行兩脇入膽經暢氣血肩背痛銀柴胡亦同勞瘵者尤宜根上升梢下行

前胡

去淨皮鬚入竹漚內浸潤日乾切用微寒肝膽中風痰非此不療柴胡主升前胡主降散風祛熱消痰下氣開胃化食止嘔喘嗽安胎治小兒夜啼

防風

甘溫走膀胱瀉肺實火頭風眼淚祛溼而黃芪得之芪功愈大乃相畏而相使也

獨活羌活

去皮焙用治一切痛風散癰毒惡血腎閒邪風

升麻

肉白外黑者佳治脫肛遺漏小便閉塞用此提氣下元虛者忌用

苦蕒

泔水浸蒸切曬乾主風熱蟲證腸風血精下痢治大麻風虛弱忌服

延胡索

破血利氣通經止痛

紅花

酒洗焙少用通經活血多用破血去瘀血

水紅花子

研損用剋堅消痞痰積惡滯

黃母

去心糯米炒黃治肺家燥痰敷惡瘡浙莢去心炒專消癰疽毒痰

茅根

甘寒入胃治內熱煩渴利小便止喘黃疸

龍膽草

去頭鬚切細甘草湯拌曬味瀼大寒相火寄在肝膽瀉肝膽膀胱之熱火療咽喉

細辛

去頭爪水浸一宿切曬治牙癢頭風通疔竅

當歸

酒浸曬乾切用上部用頭中部用身下部用梢頭身活血梢破血全用定血引血歸經除頭痛和血補血潤腸胃筋骨皮膚排膿止痛

芎藭

不油者佳忌獨用主一身氣血閉鬱去瘀血調經種子排膿生肌頭風目淚多涕去溼

白芷

水浸去灰切炒消癰蝕膿頭風中風解醜毒

白芍

外科用酒炒固腠收斂

赤芍

消癰腫破堅積惡血下氣生肌止痛

丹皮

酒拌蒸產後要藥治骨蒸麪裏煨熟厚大腸

木香

下降療腫毒止吐痢消積止腹痛統理氣分

高良薑

土炒療寒邪痞癖瘴癘宿積

縮砂仁

順氣開鬱結炒研安胎產後停惡露小腹作痛生研六錢  
滾水衝蓋溫服立療

香附

去皮童便浸水洗曬搗醋鹽水拌炒解鬱消癰積聚痰飲  
調經

藿香

治腫毒去惡氣止霍亂溫中快氣吐逆

澤蘭

治癰疔通九竅利關節破宿血生肌利小腸

荆芥

散風熱清頭目風利咽喉瘡腫賊風

薄荷

治賊風發汗利咽喉口齒燥癰結核

紫蘇

葉發汗梗安胎子消痰喘葉梗爲末治囊脫

白甘藷

治目風熱梗枝葉解癰疔毒煎湯洗結毒

陳艾

用粉糊漿透日乾杵去粉并葉屑則成白絨謂之熟艾調經加硫黃少許作團炙百病

茵陳

治黃疸溼熱通關節去滯熱利小便

青蒿

七月中節內生紅蟲取出共輕粉硃砂和入搗爲丸如粟粒大每丸裹以金箔每歲一粒乳汁送服療治急慢驚風

夏枯草

性寒以治療癰從無一效久服則成癰癆

牛蒡子

酒拌焙乾研損達肺利咽消痘疹毒根莖葉苦寒無毒混名氣殺醫生草生搗塗消一切癰毒塗輒一切堅肛入爛孔拔毒生肌入膏煎貼癰癰煎湯洗楊梅等毒

續斷

酒浸炒性微溫入肝家續筋骨助血氣消血結胎產跌撲行血止血

蒼耳子

去毛敲損治黃疽脾溼

益母草

女科諸證皆良活血破血調經止痛下水消腫

麻黃

連根發表用梗不表甘溫開腠理凝滯閉塞

燈心

利小便清心火取活竹一段兩頭留節中開一眼以心塞實外以原刻下竹仍填原眼外加泥裹入糠火內煨至竹成一炭取出去泥俟冷去竹炭內是燈心炭也治骨鯁難陰疳入護心散

地黃

生用性寒涼血滋陰解熱水煮至中心透黑然後每斤入滾陳酒半斤炒砂仁末一錢再煮煮至汁盡瀝起曬乾仍入收盡原汁再曬乾忌經鐵器補陰壯真氣生肌填髓同

肉桂引火歸元療陰分虛虧

芩藤

酒拌蒸則補生用下行補腎強四肢腰膝莖痛

麥蘗冬

去心酒浸則補湯泡則微寒祛熱毒浮腫洩肺中伏火安  
臟心腹

淡竹葉

解煩熱利竅治中風口瘡目痛胸痰熱毒藥店有賣葉如  
竹葉甚薄梗如柴心甚細七寸長者は今醫家以閉綠花  
草誤用可歎

葛葵

根水煎服可療白帶花一兩搗爛麝香五分水一大碗煎  
服可療二便閉無花時根亦可子催生落胎花末酒服可

下橫生倒產

車前子

酒拌炒研損分理陰陽利小便止暑溼瀉痢益精養肝肺  
強陰止痛

馬鞭草

苦微寒熬膏空心酒服半杯治癰疽殺蟲通經活血塗癰  
瘡煎湯熏洗陰腫洗楊梅惡毒

連翹

瀉心火脾胃溼熱結熱腫毒心家客熱通經

紫花地丁

療癰疔癰堅肛疳疔麥芒黏咽喉嚨爛嚙下卽安

大黃

每斤用陳酒五斤煮爛日乾名熟軍治燥結熱毒清實火

下宿積化停食生熱功同熟者純

蕎麥

有毒忌鐵器搗敷石疽消溺哽通二便疏洩水腫痲痺山  
倒岳之力腰腹背忌敷貼

大戟

苦寒有毒去附枝水煮透去骨切曬消頸腋痰塊癥結下  
痞墮胎治鼓瘕利二便

甘遂

每斤用甘草四兩煎湯浸三日湯黑去湯河水淘洗取清  
水日淘日浸每日換水數次三日後去心再淘浸四五日  
取一撮入白瓷盆內隔一宿次日盆中水無異色乃爰再  
淘三四次漚乾以麪裹如團入糠火煨煨至麪團四面皆  
黃內藥熟透取出曬乾入鍋炒透磨粉其苦寒之毒經製

則淨不苦而甜不寒而溫專消堅結痰塊毒核

### 蓖麻子

辛熱有毒研粉去淨油方妥拔毒孕婦忌用

### 常山

生用損神喪氣切薄片曬乾每一斤用陳酒對浸浸透取  
漚曬乾收盡斤酒曬透炒至焦脆瘡癰非此不消愛甘草  
對分截瘡聖藥

### 川附子

昔產深山有毒今民家栽種無毒用木浸一二宿日易水  
浸去鹹麩裏火煨切片日乾補腎肝陰虛治中風癱瘓陰  
陽疝氣

### 川烏

功同附子性緩助陽補命門不足驅積冷痺

草烏

有烈毒去皮取白肉每斤用綠豆半升同煮豆開花去豆  
取烏切曬磨粉治風痰手足拘攣逐凝結追筋絡寒痰開  
腠理以黑皮炙研醋調治蛙髮癰

半夏

選肥者生薑明礬湯浸透煮透切片日乾消痰墮胎生研  
細末立療刀斧跌破止血

蚤休卽紫河車草

去皮毛切焙微寒治乳癰疔毒

五味子

鹽水拌蒸滋腎水不足強陰固精主收斂

黑白牽牛仁

酒拌曬除溼熱壅結通大腸閉殺蟲祛積

番木髓

水浸半月入鍋煮數滾再浸熱湯中數日刮去皮心入香油鍋中煮至油沫盡再煮百滾透心黑脆以鐵絲篩撈出卽入當日炒透土基細粉內拌拌至土粉有油氣入粗篩篩去油土再換炒紅土粉拌一時再篩去土如此三次油淨以木髓同細土鍋內再炒入盆中拌卷一夜取髓去土磨粉入藥獨有木髓之功而無一毫之害能搜筋骨入筋之風溼祛皮裏膜外凝結之痰毒煎木髓之油俟熬化核膏入用

天花粉

治癰熱脣乾口燥瘰癧熱癰排膿

天蘼冬

去心酒潤治陽物不起潤五臟欬嗽消痰降火去風熱煩

悶中風

土茯苓

清熱泄瀉骨蒸利關節若云治楊梅毒謊語也未見用癰  
一人

白礞

苦平無毒生肌止痛解狼毒蟲毒

木通

微寒開未開之月經通閉塞之經水和血脈利小便清伏  
熱散癰腫下乳

防己

寒酒潤治膀胱蓄熱利二便療下部紅癰

金銀花

消癰毒取活藤煎膏以花拌入收曬其解毒之功勝花百

信暑天日取錢許煖湯衝當茶

藤黃

酸醄有毒蛙齒點之便落忌喫菸

澤蔞

通利小便走腎膀胱有洩濁者忌用

海藻昆布

性寒稱治療癰聖藥卻謬當禁用

仙人對坐草

四季梗葉長青臨冬不衰毒蛇咬搗汁飲以渣塗之療

穀芽

啟脾進食寬中消食

浮麥

止虛汗盜汗虛熱

麥芽

開胃消食和中

大麻仁

利大腸熱燥大便熱結

薏苡仁

補肺益脾去溼消水腫理腳氣

小黑豆

同甘草除癰胃中脾熱腹中結積

白豆豉

解砒毒除痰欬同生礪爲丸療冷哮

神麴

消食健脾暖胃止瀉吐破堅結

紅麴

炒消食活血健脾胃療痢酒服除產後惡血

白芥子

炒研皮裏膜外陰寒之痰非此不消

生薑

溫中去穢除風邪暖胃消寒痰解食萊毒乾用止嗽嘔炒成炭性純陽如誤服寒劑非此不解

蒲公英

又名乳汁草甘平無毒書載療乳癰結核皆說炙脆存性火酒送服療胃脘痛

紅棗

解烏頭附子天雄毒和陰陽調榮衛生津液

杏仁

去皮尖除肺熱氣逆潤大腸氣閉

松子仁

潤肺治燥結欬嗽同柏子仁治虛閉

烏梅

酸瀹斂肺安三蟲拔毒根

楊梅

患疝病者忌食燒酒同食致斃

橙子

患惡核癰癰痰證者食之成功瘡後復發

陳皮

治脾不化穀膀胱熱利小便殺寸白蟲去白名橘紅消痰  
止洩教開胃治吐清水腸閉解大毒

青皮

順逆氣開鬱解疔毒

山楂

浸透去淨其核日乾炒炭除產後惡血消肉積積滯宿食

橄欖

形尖入心經清心火解魚鼈毒生津止渴蘸明礬食味佳  
豁痰

檳榔

健脾破結癰痢裏急後重截瘧

吳茱萸

浸熱湯七次去淨苦烈治瘡生炒研用

甘蔗

甜寒絞汁可療小兒衣多暑熱之病

蓮鬚

固精烏髮悅色益血止血

芡實

炒治遺精濁帶益精開胃助氣明目

山藥

開矇補精血健脾胃

柏子仁

甘平無毒興陽道益壽元潤腸筋神

松香

先取胡葱煎湯去葱以湯分三次煮香每俟湯溫在湯內  
手扯洗其油去盡冷凝磨粉專療溼風治白禿生入膏生  
肌

肉桂

純陽引火歸元解陰寒凝結去皮曰桂心更純桂枝性橫  
走手臂發表

官桂

理陰分解凝結瘰癧疾行血分通毛竅

沉香

乾研末或酒磨以煎劑衝服治腫毒心腹痛調中補臟益精神壯腸

丁香

辛溫治霍亂痞塊吹鼻瘰癧疔反胃開膈關腹中腫毒鼻中息肉乳頭裂破

樟腦

每兩用梔對合溼紙封口火升半時則成樟冰治中邪腹痛風痰加花椒同升殺牙蟲止牙癢

芸香卽白膠香

水煮三度俟湯溫手扯油淨冷卽硬磨粉解疽毒止痛輕

粉對研豬油調敷爛孔

冰片

苦寒治舌口咽喉火毒研水調吞治難產

乳香

每斤用燈心四兩同炒炒至圓脆可粉爲度扇去燈心磨粉用消癰止痛託裏護心治遺精產難

沒藥

製法與乳香同破堅敗惡血消腫生肌墮胎去翳

血竭

散滯血止諸痛生肌

阿魏

酒拌曬研殺蟲解臭消痞解死獸肉毒肉積

厚朴

去皮切片每斤取帶皮蘊四兩切片同煮汁乾炒透去蘊  
溫中消痰厚腸胃除積冷宿血宿食

金鈴子卽川楝子

酒拌透蒸去皮入丸用核搥細不用肉入煎用肉不用核  
苦寒有小毒產於川者佳本地者細以入火燒存性能託  
毒水治久潰爛孔

杜仲

去皮每斤用蜜三兩塗炙蜜盡爲度肝經藥也補中益腎  
補肝虛堅筋強志

棟樹根

去皮取白肉殺腹內諸蟲皮赤者忌用

皂角刺名天丁

五月初取嫩者擣爛醋煎成膏療癰生用穿癰無醋者可

療橫痃

巴豆仁

研壓數次油盡如粉名巴霜拔毒孕婦忌用

桑白皮

取白肉切焙鶴肝火降大小腸氣散惡血

栲樹

取皮裏白肉甘溫無毒治血結補損虛

枳實枳殼

卽細皮香圓六月摘者實八月摘者殼陳蛙者佳並去穢核以麩炒實寒消食積開胸結殼亦寒健脾開胃止吐消痰除裏急後重

枸橘

陳者佳全用療子癰炙存性研陳酒送服療疔氣核治腸

風下血方中橘核卽此往往以爛橘核誤用蘇坡醫家尙未認得枸橘

山梔炭

苦寒無毒熱厥頭痛疝氣湯火

黃肉

選淨補精益腎

白茯苓

蒸透切逐水暖脾生津止洩除虛熱開腠裏

赤茯苓

破結氣瀉心小腸膀胱溼熱行竅行水

茯神

安魂魄養心血治心神不安

琥珀

用側柏子末入瓦鍋煮有異光取起入燈心對分研粉清肺利小腸安五臟定魂魄消瘀血明目

天竹黃

治小兒驚痰每二錢加雄黃牽牛末各一錢研勻麪和丸粟米大每服五丸薄荷湯送下治失音不語

蜂房

露天有蜂子在內者佳炙研能托毒療久潰止痛同頭髮蛇蛻燒灰日以酒送錢許治臟腑厯節惡疽疔毒以炙存性酒拌服治失禁遺溺煎湯洗毒孔無蜂者不效

土蜂窠

在巖凍大雪中以布袋袋之能取取入蒸桶蒸死連窠炙研以醋調塗癰癰卽消以蛇蛻同煨治疔毒走黃乳調服療小兒吐瀉

五梅子

斂肺生津消酒毒收溼療瘡脫肛

殭蠶

糯米泔水洗淨炒研治中風喉痺散風痰消癰癰風瘡陰  
癢療驚癰疔痔

蜘蛛

炙研粉豬乳調治啞驚

蟬蛻

滾湯洗去泥翅足曬乾治目昏翳障痘疹疔腫

蠟子

水洗三次去鹹炙研用治驚中風

推車蟲卽蜣螂

五月晴日有蟲捕人糞一團如推車者是火炙研粉和乾

瀝末敷出多骨忌經水生搗爲丸塞冀門引痔蟲出盡永  
瘥

癰團卽癰蝦蟇

夫者佳生用填爛孔拔深毒輒年久毒肛取酥捉老蟾仰  
天以其頭入等散內取等稱鋪上蟾之腦中放出白漿是  
去蟾以等散曬乾刮下配藥消癰拔疔止牙瘰絞腸痧瘰

蜈蚣

取活者香油浸死蛙髮癰痔爛塗足指雞眼一宿脫落瘰  
而不發

蚯蚓

藥鋪有賣破腹去泥以酒洗曬乾每四兩配糯米花椒各  
一兩同炒炒至米黃透爲度去椒米磨粉治厯節風痛手  
足不仁疽毒腎囊腫

外科諸症全書  
五  
蚯蚓糞

入火煅紅每兩入輕粉一錢研至粉內無星爲度取活紫  
花地丁搗爛絞汁調塗爛腿日洗日塗數日瘡以甘草煎  
汁調塗小孩腎囊腫痛

龍骨

白淨黏舌者佳捉燕子破腹棄腸以骨填腹懸井內離水  
尺許候準一周時取出生研水飛曬乾用蓋龍有病食燕  
而瘡得水而騰忌經火生肌斂瘡治鼻紅

穿山甲

尾上細甲良同土炒至鬆脆研通經絡竅殺蟲消癰逐邪  
風祛積滯瘰癧痔

蛇蛻

豎蛇不經地者佳泥裏火煅去泥研粉治疔腫以蛇蛻不

煅煎汁敷白點風洗惡瘡

白花蛇卽蕘蛇

鼻向上有方勝花紋去頭尾酒浸除皮骨炙則不蛀治溼瘡

石首魚卽白鰲

開胃益氣首中腦石燒研入冰片治害耳服出患肺疽者終身戒食

朱鼈

大如錢腹赤如血又名金錢鼈出深山石澗中廣德州最多甘無毒炙存性研粉能消漏管

牡蠣

童便浸七日硫黃末醋調塗黃土裏煅止夢遺赤白濁補腎安神除盜汗消痰塊

眞珠

入豆豉煮一炷香取出與燈心同研極細去心除翳障安魂魄療驚逐痰止遺精白濁解痘疔毒下死胎胞衣生肌肉

田麻

搗爛塗結硬痰核塗命門通小便入冰片瘡痒如入膏內煎必預敲碎其殼以杜油暴暴則近人受湯黏衣

雞裏金

炙透磨粉消久停宿食療疳瘕

白丁香

麻雀矢雀身細頭圓翅長者乃雄入籠取矢冬月佳甘草湯冷浸一宿焙研咬癰頭拔疔毒

五靈脂

研末酒飛日乾止經水過多赤帶不絕男女一應療血凝  
齒痛

山羊血

解鮮菌河鮑毒傷損惡血

山羊矢

曬乾炒成炭存性入堦悶熄磨粉療潰爛生肌酒送二錢  
療雷頭風水粉各一升浸一夜絞汁頓熟每午刻服疔病  
欲死者三服全瘥

線膠

剪細同牡蠣粉炒如珠去蠣爲粉性溫補腎益精止遺精  
白濁

皮脂卽烟膠

硝皮鋪刮下諸皮之膜入鍋炒炭磨粉生肌肉療淫風膿

窠溼爛等瘡

象皮

炙成糊存性研粉生肌肉

麝香

定神療驚解果毒消癰疽開經絡竅墮胎

貓矢

在屋上曬白者多收以土裹火煨研粉黃蘗拌食治童子  
癆傳尸癆真仙丹曾療多人

鼠矢

尖者佳要揀淨恐有蛇蟲毒矢和肉炒透研粉治易證療  
爛孔追毒水

頭髮

壯年人者佳以皂角煎湯洗淨曬乾同油煮成餅浮起枯

色爲度入膏生肌長肉止血

指甲

瓦上土炒成炭存性研粉吹止鼻紅加冰片吹治咽喉墜屑入目以津磨甲膩點睛立瘥

人中黃

臘月取孩結糞陰乾泥裹煨炭治熱狂痘毒腳麻麻至小腹而死或頭麻麻至心口而死者一日死甦幾次取末三錢豆腐調服立瘥

人中白

係夫婦之精入馬桶歸坑凝於底者是俗名坑凝蘇松常鎮以缸作坑廣產僧寡家者不爰入火煨煙盡悶熄研用治咽喉口齒瘡疳諸竅出血血汗

# 醫案

諺云千學不如一見是以從師習醫必經師率視證見廣識多迴證始無疑惑余以四十餘年之臨證摘其一二奇險危篤者錄之於左以備詳察不必拘拘於師率視證云

## 喉證醫案

一壯年新婚百日妻往母家滿月方回時值酷暑因交接後貪涼五鼓時喉痛氣逆寒熱交作余問之則曰三日前喉開略有微痛今早五鼓腫痛更甚視其小舌腫如拇指知係心腎虛火交接後經風風火兩閉之恙若用發表虛上加虛若投寒劑風火被菴卽用前胡蘇子連翹元蔓赤芍浙黃甘桔入味煎服立瘳

無錫村婦年三旬忽喉痛難食彼地一醫以射干赤芍翹麥花粉牛蒡等煎服服卽痰升滿口響若舂聲痰不出齒

余問始知驟起況服涼藥增險此陰寒無疑但痰壅一口  
萬難進藥卽取鵝毛蘸桐油釐許入喉一捲痰隨毛出吐  
有升許以肉桂炮薑生甘草各五分入碗內以滾水衝浸  
以椀仍頓湯中用匙取藥連呷三四口卽瘳  
南濠一匠半夜請治喉證問之不能回答旁人云昨喫夜  
飯腫著後忽喉痛而醒余以炙附如細糲一粒放其舌上  
嚙津數口全瘳

### 髮疽醫案

興邑路姓七歲童頂門寸許竝患三疽潰久不斂孔如碁  
子大淺而無膿乾而色灰人倦無神因服涼劑過多飲食  
不進余曰色似香灰乃氣血兩喪無膿乾枯精神已絕瘳  
不能食難以醫治次日而天

### 瘰癧醫案

楓鎮閔姓年十七頸患瘰癧爛成一片延爛耳腋及腰如  
手掌大者數處瘦弱成怯初以洞天救苦丹與服毒水大  
流十日後以陽和湯醒消丸每日早晚各服一次十日頂  
能舒轉飲食日增外貼陽和膏內服大棗九並用荊芥湯  
洗以山蓮散敷九十日收功因未服子龍小金二丸其毒  
根未除後腋生惡核仍以子龍丸消之杜患

王姓媳頸內瘰癧數箇兩腋惡核三箇又大腿患一毒不  
作瘰癧百餘日後日漸發大其形如斗按之如石皮現青  
筋常作抽痛經治數人皆稱日瘤余曰瘤慢疽硬此石疽  
也初起時可消日久發大上現筋紋雖按之如石然其根  
下已成膿矣如偶作一抽之痛乃是有膿之證也上現青  
筋者其內已作黃漿可治如上現小塊高低如石凸者不  
治三百日後主發大痛不潰而死如現紅筋者其內已通

血海不治僥生斑點卽自潰之證潰卽放血三日內斃今  
所患現青筋能醫至輒爲半功潰後膿變濃厚可冀收功  
也外以活菖蔞搗塗內服陽和湯十日則止一抽之痛十  
三劑裏外作癢十六劑頂輒十八劑通患輒其頸項之癢  
塊兩腋之惡核盡行消散一無形踪止剩石疽高起內膿  
袋下令服菱一錢因在筋絡之處先以銀鍼刺穿後以刀  
闊其口以紙釘塞入孔內次日兩次流水斗許大劑滋補  
耗裏刪去人蔘倍增生芪連進十劑相安已極適有伊戚  
亦行外科道者令其芪草換災服不三日四圍發腫內作  
療痛復延余治余令其照前方服又服二十餘劑外以陽  
和膏隨其根盤貼滿獨畱患孔加以布細綁人問因何用  
膏貼又加細綁答曰凡屬陰疽外皮活內膜生故開刀傷  
膜膜爛則死所出之膿在皮裏膜外僅似空衡又不能以

生肌藥放入故內服溫補滋陰活血之劑外貼活血溫暖膏藥加之以細使其皮膚相連易於膿盡且又易於連接生肌果綁後數日內膿甚厚加變服兩月收功

### 痰核醫案

婦項痰核三處年久生管延治以拔管藥插入日易半月瘰兩惟有一管淺如一精不意伊夫遠歸兩日管深如舊余曰此刻治定無功效容日商治伊母問余余曰俟令壻出外半月亦可收功數日後接女歸延治而瘰又壯年臂有二管問伊可有暗疾日有夢遺以六味丸刪去澤蔞增線膠龍骨芡實蓮鬚爲丸鹿含草煎湯晨夕各送三錢服半料而夢遺瘰瘰後卽以拔管藥治之仍服前丸服完二管皆痊

### 惡核醫案

洞庭秦卜年項腋惡核十二處服連翹昆布等藥病重又被刺破爛經三載始來就醫以陽和湯犀角丸輪服半月十中瘰入喜甚帶藥而回路見涼粉買食至家又食冷水油虧次日二便皆閉第五日死此病者自不惜命故記以爲病者之戒

南濠客葉南高之弟耳下竝患惡核一被醫穿生管後大如杯以陽和湯小金丹輪服未潰者全消彼問管可易瘰否余曰消管甚易管消卽斂儻將斂一經走洩管卽復生瘰期難訂其弟眞誠果卽斂

### 乳出醫案

婦乳患一白疽寒熱痛甚余以陽和丸同二陳湯煎服得睡痛息連進三服全瘰又婦患者相若伊婦弟亦習外科以夏枯花粉連翹橘葉等藥連服五劑號痛不絕延余治

因向白色今變微紅鄭以全消卽書肉桂炮薑麻黃加二陳湯令伊煎服今晚痛止能睡明月皴皮縮小服下果然連進數劑患頂不痛而潰貼陽和解凝膏收功

一婦兩乳皆患乳出兩載如桂圓大從未經醫因子死悲哭發威形大如杯以五通丸犀黃丸每日早晚輪服九日全消又男子患乳出先用鯽魚膏貼上兩日發大如拳其色赤紅始來就醫令其揭下與服陽和湯四劑僅色轉白可救色若仍紅無救矣四日患色仍紅哀懇求治以犀黃丸陽和湯輪服服至十六日四餘皆消獨患頂潰用蟾拔毒三口半月收功

### 發背醫案

山塘姚姓媳年二十九小產月餘左肩手搭處先發一毒周有尺五患後半月背脊添出一毒自上至下計長一尺

三寸上闊下尖皆白陷十日後始請余治其勢甚篤連服陽和湯三劑人能坐起五劑自能大小便十二劑其續發者全消先發之搭手餘地皆消止剩患頂有膿者如碁子大膿足不痛而穿四日收功後言背上如負一板舒轉不快以小金丹十九每日二進漸漸不板神色復元

木漬鎮談姓婦背患如碗初起色白近已轉紅痛甚時值三伏余以陽和湯書畢旁人云此暑天緣何用麻黃發表桂薑之熱劑余曰此陰證也彼云患色轉紅陰已變陽余因其說立令煎服服後不一時痛息接服四劑患平七分有膿之三分不痛而潰五日收功

腰疽醫案

開門龔姓腰患一疽根盤圍闊二尺餘前連腹後接背不紅不腫不痛不輟按之如木初延余治以肉桂炮薑書於

方首別後另延蘇城內外三四名家眾視余方皆曰酷暑  
安可用此熱劑以余爲非議用攻托清涼連治五日病者  
神昏無味復延余治患仍不痛色如隔宿猪肝言語不清  
飲食不進余曰能過今晚再商是夜卽斃然其至死不痛  
不久伊戚亦患此證延余治以陽和湯服下次日覺鬆又  
服疽消小半纔以犀黃丸與陽和湯逐日早晚輪服第五  
日全瘡後有背患相若者照治而瘳

流注醫案

程姓母年七十膝下患一陰毒流注潰經數月患下及旁  
又起硬腫二塊與舊患相連延一醫以新發之毒認爲舊  
患旁腫不識流注竟以托毒之劑與服服二劑致新發者  
被托發痛始延余治余以陽和湯與服三劑新發之二毒  
皆消接服小金丹十九後進滋陰溫補以杏仁散敷半月

臘厚令服保元湯加肉桂十餘劑瘰

宜興徐三梧之子纔歲太陽一毒背上心臍對處二毒

頸後口對處一毒腰腹二毒兩腿五毒共患十一毒皆皮  
色無異其大腿二腿已經伊處醫者開刀聞余至請治以  
小金丹令日服二次第五日消其九毒消後又以小金丹  
日服一次因孩小令伊添一乳母十日後二乳皆紅潤以  
保元湯芪草皆生加肉桂三分煎杯許令水煎殘六分利  
服半月後以芪草易炙服瘰一月收功

橫痃及楊梅瘡醫案

常熟趙太元長君患橫痃被醫家開刀延余往治余問其  
開刀幾日彼云已有半月余曰此患破則難治還有九月  
之壽卽辭別別後三百日伊戚在蘇來云已死月餘  
福建客滿身廣豆又患橫痃余想橫痃乃陰虛之證藥利

溫補廣豆係火毒之證藥利涼解二證相背既利於毒定禍於疽必使二證皆宜之藥除犀黃丸外無他法令其每日空心時酒送三錢十服二證全瘥後一人毒重倍服而瘥

### 起肛醫案

宜興馮悠也右足背連小腿轉灣處初起不過湯毒而成爛腿三十餘年四起硬肛小腿足腫如斗爛孔可容大拳有時出血所流臭漿滿室難聞自以布包如軀一塊以填孔內否則空痛時年七十有四雍正六年延余治以老蟾破腹蟾身刺數孔以肚雜代包填入孔內蟾身覆蓋孔外每日煎葱椒湯候溫早晚各洗一次以蟾易貼內服醒消丸亦早晚二服三日後取地丁大力鮮草搗爛填孔外蓋烏金膏仍以醒消口服其肛口外四起硬塊內有皮中滲

出清水者以嫩膏加五美散敷內有發癢者以白花膏貼內有塊硬如石者以生蕎麥搗爛塗因孔內常有血出先以蔓三七末撒內次用地丁牛蒡葉根搗填如此二十餘口腫消癢息其硬塊硬肛皆平皮色退黑內肉鮮紅患口收小平淺仍以地丁等草填口以五寶散撒上仍貼烏金膏因老翁精神不衰飲食不減始終不補收功

痘毒醫案

洞庭錢永泰之子患痘毒醫用清火解毒之劑以一毒醫增六七再醫毒生二十醫至第二年孔皆有管日流臭漿右足縮不能行坐臥三載始來就治以陽和湯小金丹犀黃丸等藥與服內用化管藥半月瘰癧半月管化有多骨者亦出彼欲領子回家纔以生肌散並調和氣血之丸與同詎伊任子恣意飲食不洗卽止不敷卽停日以酸橙石

橋水果消閒嚴冬復臭難聞余曰臭則爛香生肌寒疽未斂日食酸醢領回三月患管復舊乃父母害之也

### 囊脫醫案

宜興一舟子腎囊形大如斗被走方人穿之不數日爛見腎子如鷺卵大旁有一筋六七寸長形若雞腸雙環隨腎子落出臭氣難聞令以紫蘇煎湯洗淨其筋爛下問其腎子莖物小肚可痛否彼曰皆不痛余曰此三處作痛則難治今不痛者可治日以紫蘇湯洗洗後以蘇爲末撒上用青荷葉包之內服黃連歸尾黃芩甘草木通等藥十劑五日後腎子收上爛孔收小此非患毒乃是損傷口既收小肌色紅活內服地黃湯外敷生肌散而瘡

### 陰腫醫案

一鄰友余家飲酒二鼓而別次早伊僕云莖物腫疼痛難

小便遣來索藥度其醉歸行房妻以前用未洗之絹抹之  
此絹必經毒蟲咬過卽取仙人對坐草以解蛇毒割人藤  
以解蜈蚣毒二草搗爛取汁調雄黃末塗上立刻痛止腫  
消下午全瘡

湯傷醫案

一婦小腿經湯被醫者用冰片研入雪水敷之不一刻腿  
腫如斗痛極難忍請余治婦曰只求止痛死亦甘心余曰  
幸在小腿下身硬地儻湯腰腹用此一罨火毒入腹難以  
挽回以地榆研細調油拂上半刻痛止令伊自拂一二次  
全瘡一使女炭火湯足背爛一孔以伏龍散乳調敷不三  
日而瘡又鄰家一孩鑪上滾湯澆腹因痛自手抓破腹皮  
油拂上一次痛息以地榆末乾撒於破處次日肌生未破  
者全瘡

同治九年庚午春金陵方氏原刻

金瘡鐵扇散方

光緒三十四年戊申夏揚州務本堂重刊

板存務本堂 需藥者即赴務本堂請給

金瘡鐵扇散原序

乾隆丙子歲十月幾望陽曲縣民張成鎬刃傷  
李登雲左耳根深八分餘又傷項頸橫長三寸  
血湧仆地氣絕邑令楊驗畢將去或曰曾微溫  
令乃顧眾曰誰能爲予救治者時有韓士勇曰  
能但治法與人異敷藥後必扇之邑令乃憶太  
谷縣民有刺腹腸出數寸者醫士盧福堯治而  
愈其法亦如之乃問曰汝藥得非盧醫所傳否  
士勇曰然遂令敷藥扇之須臾血止俄而蘇呻

吟有聲越日痂結霍然愈余聞之喜甚因念小  
民鬪很裂膚事所時有若療以良藥則所全實  
多是以

欽頒洗冤錄載有良方仰見

聖主矜恤民命無微不至余膺

簡命職在撫綏凡可登民衽席者敢弗仰體

聖慈多方補救今盧醫方藥起死回生屢效於世則  
流播豈容或緩因招之喻以故渠以托業於此  
靳弗與余曰苟可拯民之厄雖酬爾多金不惜

也伊乃喜諾且曰雍正年間得之塞外禪僧年  
來救治良多因令照方修製遇傷輒試皆效爰  
厚贈廬醫刊其方以廣救濟云

乾隆二十一年仲冬穀旦山西巡撫兼管提督  
兵部右侍郎都察院右副都御史明德識

金瘡鐵扇散藥方

象皮五錢

色切薄片用為度勿令焦龍骨五錢用土

生老材香一兩

山陝等省無漆民間棺殮俱用松香黃蠟塗於棺內數十

年後有遷葬者棺朽另易新棺其朽棺內之香蠟即謂之老材香東南各省無老材香即

以數百年陳石灰一兩代寸柏香一兩即松

之其效驗與老材香同寸柏香一兩即松

色者松香一兩與寸柏香一同鎔化攪飛

一兩將白礬入鍋內熬透便是

以上六味共為細末儲磁罐中遇有刀石破傷者用藥敷傷口以扇向傷處搨之立愈忌臥熱

處如傷處發腫煎黃連水用翎毛蘸塗之卽消  
撫晉使者長白明德再識

金瘡鐵扇散跋

余於庚辰歲秉臬金城每見愚氓忘身逞忿自  
蹈法網迨至對簿之時莫不追悔靡及余惻然  
憐之嘗謂人當受傷危急之頃若得良藥救治  
則所全實多會

明大中丞駐節蘭泉及出其鐵扇散授余并言  
效驗之奇惟藥中有老材香者產於晉頗不易

得歲壬午

明大中丞重撫三晉而余亦奉

命屏翰此邦勤宣

德化之餘每製良藥以備不時救濟而老材香終不  
易購也癸未秋有紹協把總沈大潤字雨蒼者  
探親至山右自言昔年因公來晉於

明大中丞署得此方并藥以歸適餘杭有爭鬪  
刎傷者治之輒愈於是款門求藥者踵相接未  
一年前藥用盡而求者日眾雨蒼無以應欲照

方重製而浙省苦無老材香不得已試以數百年陳石灰代之而奏效神速竟與老材香相埒實能起死回生數年來救之不下數百人皆厯厯可指余復詰以傷處皆忌冒風而此方獨用扇搨傷口人不能無疑焉雨蒼云前人雖未闡明然醫者意也當傷口初破熱血迸流勢若泉湧殆不可遏苟敷藥而不扇必隨血流湧卽無以見藥之功故必藉扇力使血稍涼乃能凝結譬之治河之橫決者必先殺其水勢乃可於決

口壅土使水循故道不致沖刷復決也余臆之  
試以問老醫所論亦同爰令舉述已驗醫案數  
則附刻於後以爲治法指掌而

明大中丞仰體

聖慈購求方藥濟世之心愈以垂之不朽矣

乾隆二十八年七月穀旦三晉旬宣使者長白

文綬識

金瘡鐵扇散醫案

餘杭沈大潤雨蒼氏述

乾隆二十二年五月間沈雨蒼至晉得金瘡鐵扇散旋浙適有仁和縣民蔣姓因角口用刀自刎傷長二寸餘食糜半斷傷口冒血痛甚在地滾跌不能敷藥因縛其手足令臥涼地用枕墊其首使傷口漸合卽敷藥扇之少頃血凝半日後湯飲如常三日後全愈

又於六月間有錢塘民因角口忿激用剃刀自刎

金匱要略卷之五  
食喉半斷喘氣傷口俱有血泡蓋喉間之氣已  
通於傷口也用藥敷之扇少頃血卽凝兩日全  
愈

又於十月內杭州城守營兵沈姓因操演被箠牌  
兵用腰刀悞戳鼻梁山根俱斷斜傷眼角深入  
寸餘痛暈臥地敷藥扇之血凝兩日而愈

乾隆二十三年四月內杭城義烏寺僧人以巨斧  
砍柴悞劈腳背深入寸餘傷長三寸足背幾若  
兩半分裂其師夜半款門求藥敷之三日而愈

又於五月間有山西僧人孤身朝天臺山行至岷  
縣中途有賊尾至山僻持石擊其腦後僧人轉  
身回拒賊復擊其額角面顙頭顙等處骨亦有  
損者昏暈半日後漸醒赴縣喊稟因距被傷之  
時已經一日傷處冒風頭面腫大如斗雨蒼趨  
往救治先用黃連煎水洗去血迹以藥敷之因  
不流血未曾用扇兩日傷口結痂全愈

以上俱係老材香所製之藥救治全愈至  
乾隆二十三年五月前藥用完而求者口

眾浙省素無老材香因卽以數百年陳石  
灰代老材香配藥試之其效亦同所有應  
驗醫案附列於後

乾隆二十三年七月有紹協右營兵丁因操演馬  
驚被踢下頰其齒牙半脫并於頰下能見齒骨  
暈絕臥地見者以爲必死雨蒼將藥敷後扇之  
血凝兩日而愈

又於十月間有杭城鳳山門門軍計姓向雨蒼求  
藥自言六月間墮城跌石上割開左腿已爛百

餘日視其傷口長三寸餘深寸餘潰爛有膿血  
卽用黃連煎湯洗去膿血用藥敷之因不流血  
未曾用扇其時天氣漸寒收效尤速一日而愈  
乾隆二十四年九月杭城羊市街有孀婦因角口  
用磁碗鋒自劃其面傷十餘條長俱四五寸流  
血發腫因卽以黃連煎水洗去血迹用藥敷之  
一日而愈

乾隆二十五年七月間紹協把總王九齡因救火  
悞踏椽木上長釘穿過靴底從腳心透出腳背

傷甚重其時雨蒼同在救火卽用藥敷之一日而愈

乾隆二十六年五月杭城大街名世坊前有楊姓劉馬草悞斷左手食指因甫經切下斷指尙溫卽令將斷指接連四面敷藥扇之少頃傷口血凝兩日後屈伸如舊

乾隆二十七年六月杭城有王姓者因爭鬪被人將刀刺面從左頰透出右頰血湧不止敷藥扇之血凝一日而愈

乾隆二十八年正月間路經大街見有十三四歲  
幼孩從高堦失足墮地將自佩煙筒悞戳入左  
腹深五寸許死地下雨蒼一手按傷口一手拔  
出煙筒卽以藥敷之血卽凝一日而愈

乾隆二十八年二月間杭城名世坊項姓因修屋  
倒塌被壓者十九人內頭面手足破傷者十二  
人時雨蒼將有山右之行罄瓶與之一日俱愈  
以上雖治法略有不同而其大旨則傷處  
喜涼惡熱夏月宜臥涼地冬月忌臥熱處

傷口不必用布包裹以致過煖難於結痂  
并忌飲酒以致血熱妄行設遇傷處發腫  
總以雞鵝翎毛蘸黃連水塗之可以立愈  
至於敷藥之時若血流乃用扇扇之倘不  
流血卽不必扇矣其餘效驗醫案甚多不  
能殫述卽此以例其餘

甘泉蔣氏依法修送

金陵方氏依法修送